

C40
4514
(279)

60

1 2 3 4 5 6 7 8 9

10

80

1 2 3 4 5 6 7 8 9

c 40-4514

了翁上座請大藏及百家書置之武州紫雲山
我微笑塔院直府中永為學者不敢許出院內
當山三世鐵牛機謹識



B 64863

支那
卷一百一十一
三峰和尚語錄序
和尚乘仰山塵刹之願降神東震旦國作天童長子
艱危百戰死任綱宗四十悟道五十四開堂六十三
遷化歷主八刹門人記語錄三十卷廣錄五十卷示
疾前半年手命不肖弘儲結集時得法弟子案陵周
祇侍側歎息再拜以爲至當今已二十七年矣猶凜
凜退縮不敢輕授簡牘諸佛列祖鑒之歲月荒忽感
時感疾辛丑三月手抄錄中稍平徑易曉人者爲一
編使後五百歲劫火洞狀之際得瞻此清涼寂滅法
寶三世如來說法之式龍騰雲變無有定相狀天高

地卑川流嶽峙確不可反覆倒置以正合以奇勝兵者聖人不得已而用之猶狀兼攬並到况大綱宗哉楊岐會滹沱正脈雪竇顯韶陽中興廣大不違從上精微自我作祖兩家典冊具在商周禮樂大備之時而執羲農已上之說是知秋冬而不知有春夏也子輿氏權衡諸聖于伯夷伊尹肯諾不全唯時中至聖則全身奉重斯可以悟法式矣有祖以來乃有和尚和尚道大不能容樓樓皇皇知者罪者其惟春秋不肖弘儲懼取其易者爲之若夫結集艱重在有力者弘儲敬述於靈岳大鑒堂

三峰藏和尚語錄序

武林衛軍嘉魚學人熊開元撰

開也闇髫歲荷至人加策初無所冥會乙丑得假歸從覺來先生急自研始有醯雞之獲自喻適志將謂天上下樂無逾者明年受事吳門趨見三峰老和尚于萬峰之書屋親承披揀而後知尼山先師所云不踐迹亦不入於室子輿氏所云二之中四之下灼狀有如是淺淡苟徒恃其天下莫能載天下莫能破之意自廣而狹人幾不免斯文蠹廢矣於是集都人士信道者營建說法堂勸請老和尚不倦開演如是甚

撰述

溪之汰開獨聞孰與夫一天下人共聞萬世天下人
 共聞耶閱六七寒暄得語錄若干卷廣錄若干卷閱
 勸請之心方存乎見少而庸人淺人輒見多往往不
 能卒業則約而取之盡撤其寶几珍御獨以狸奴面
 目對人誠仁人孝子之志也狀水乳雜糅非鷺王莫
 擇以游夏贊春秋孰有能勝其任者開得罪抵臨安
 軍國清儲和尚忽郵書見招且曰鼎沸若斯雖有上
 至梵天之舌無處向人祇宜收先師狼藉之夜光重
 胎明月使方來有目者咸得與於清輝不至守其一
 室甘此長淪是猶可及爲者公久在靈山會裏先師

遷化時嘗貽書左右曰山僧有無數身前身後事仰
 託于門下公若不忘付囑可不共伸一臂擘破華山
 倒出萬年流水乎開自顧非其人何敢濫竽斯典更
 禍亂相尋梗與土之去未知所終則亦姑留此一則
 俟結集既成附之編末俾開千里萬里千生萬生不
 見有一步有一時在老和尚門外開不朽矣或有過
 量人如岳頭婆子謂此結集亦不消得直取而投之
 水火當更益一重光彩若祇守寒岳異草青掉頭不
 顧仍爲開二十年前同院之上非所願也昔崇禎甲

申夏五月朔序

60

1 2 3 4 5 6 7 8 9 10

80

1 2 3 4 5 6 7 8 9 10

三峰和尚語錄目錄

卷第一

住海虞三峰清涼院語

住蘇州北禪大慈寺語

住杭州臨平安隱寺語

卷第二

住蘇州鄧尉聖恩寺語

卷第三

住蘇州鄧尉聖恩寺語

卷第四

60

1

2

3

4

5

6

7

8

9

10

1

2

3

4

5

6

7

8

9

住梁溪龍山錦樹院語

住杭州南屏淨慈寺語

住嘉興水西真如寺語

住蘇州窩陵聖壽寺語

卷第五

廣錄

卷第六

廣錄

卷第七

廣錄

卷第八

廣錄

卷第九

頌古

卷第十

頌古

卷第十一

五宗原

卷第十二

卷第十三
襍偈

卷第十三
法語

卷第十四
書問

卷第十五
書問

卷第十六
襍著

三峰藏和尚語錄卷第一

吳虎丘山雲巖寺嗣法門人弘儲記
住海虞三峰清涼禪院語

乙丑元旦上堂拈香云化被空山老更閑臥雲誰道
不朝天生香一瓣呼嵩祝聖德雍熙壽萬年乃插香
就座以拂子畫一畫云正月一夜半子前有消息殘
冬已過新未交個中一點誰拈掇拈得出是何物良
久喝一喝云百代舊山河雙懸新日月

上堂舉百丈和尚因黃檗問從上相承底事如何指
示於人丈據座檗云後代兒孫將何傳受丈云我將

一標道

三藏和印詩金光第一

二

謂你是個人便歸方丈師云過去諸如來斯門已成
就現在諸菩薩今各入圓明未來修學人當依如是
法葛拈拄杖卓一卓云自餘閑襍事俱爲生死因

上堂僧問如何得真慧現前師云聞板聲喫飯僧云
如何得法性空師云洗脚上眠牀乃舉教中道此見
及緣元是菩提妙淨明體祖師亦云六塵不惡還同
正覺師召衆云信得及麼若信得止宿草菴且居門
外若信不及三峰且與你葛藤推倒几案下座

上堂一大藏教閑葛藤千七百則糾殺人三玄本無
安排五位何來等級窓風礀水自談玄却笑區區論

權實咄未跨船舷痛與三十

上堂山又青水又綠早便起夜便宿桃紅李白競紛
披看來春事十分足無位真人手段強西來大意傾
十斛堪嗟臨濟小廝兒風流千古誠難續喝一吼云
白雪陽春聊和一曲

上堂僧問一人辦心諸天辦供未審辦甚麼心師云
上人不可不會僧云某甲實實不會師云每日甚麼
人將飯與你噇僧無語師云你旣無心我也休便下
座

劍參亂石危窓護竹扉住山人老共忘機畫長無個

消閑汰手弄潺湲濕衲衣顧左右云大眾若信三峰與麼道未免隨流失炤別更有商量道個無端也不爲分外

上堂僧問如何是學人著力處師云轉身處看如何是學人轉身處師云親切處看如何是學人親切處師云你著力處最親切僧云這回不是夢真個到廬山師云五老峰因甚跨跳僧擬議師直喝出乃云第一句薦得大海江河盡放光第二句薦得逢著觀音問彌勒第三句薦得舌柱上鬱幕卓拄杖一下顧大衆云這是第幾句僧纔出師便下座

上堂三業清浮佛出世腳脚踏著黃金地三業不淨佛滅度瑠璃殿上難移步立時貶向鐵圍山落得身心處處閑向上路祖師關也不易也不難饑來喫飯困來睡宵把麻油樹上攤

上堂舉臨濟示衆云赤肉團上有一無位真人嘗從汝等面門出入未證據者看看時有僧出問如何是無位真人濟下禪床把住云道道其僧擬議濟托開云無位真人是甚麼乾矢橛便歸方丈雪峰云臨濟大似白拈賊師云狀則臨濟固是狼藉雪峰也不應以賊心待天下尊宿正令不行拘曲作直二俱不能

無過我當時若見但道在和尚今日卽得恐後代傳持難免無弊看他活跳底無位真人到這裏不得不垂首喪氣具通方眼底如何相救良久云替三峰下得一轉未必善因而招惡果

上堂舉睦州和尚見僧來云現成公案放你三十棒師云睦州無端走入屎窖裏是你諸人還聞臭氣麼衆無對乃云又爭怪得

結夏上堂舉汰華舉禪師謁公安公問作麼生是伽藍舉云深山藏獨虎淺草露羣蛇公云作麼生是伽藍中人舉云青案蓋不帀黃葉豈能遮公云道甚麼

舉云少年翫盡天邊月老倒扶桑沒日頭公云一句兩句雲開月露作麼生舉云炤破祖師師云以大圓覺爲我伽藍身心安居平等性智快活快活怎奈生平叅得聳頭禪撞著聳頭如鍊壁雖狀紛紜自彼于我何爲先聖垂範理契必同畢竟二大老節文在甚麼處若判得塵沙諸佛天下祖師不消一捏若判不得卓拄杖一下云謹白叅玄人光陰莫虛度

上堂莫犯舌頭路休干心識情只提三尺劍揮落一天星仰面峰如箇低眉水作冰問我西來意石色湛空青喝一喝下座

上堂拈起拄杖云獨立絕殊方卓一卓云其鋒安可當前是佛殿後是僧堂大唐打鼓新羅聞誰家漆桶夜放光

上堂僧問如何是有句師云秋風訴愁絕僧云如何是無句師云寒月自多情僧云如藤倚樹時如何師云風月年年在人心有變更者僧拜倒云可知禮也師乃拈起拄杖云還有不變更者麼良久卓拄杖云待樹倒藤枯再行檢點便下座

上堂舉臨濟祖師云大凡演唱宗乘須一句中具三玄門一玄中具二要有權有實有炤有用汝等諸人

作麼生會師云苦哉苦哉若要安國安家須是足兵足食近來求個具信根底也不可得三玄門怎能勾一踏到底老僧今日不惜手脚八字打開請諸人排身直入喝一喝云金剛腦後抽生鍊華嶽三峰倒卓空

上堂豁開戶牖當軒者誰坐立儼狀那容相度南泉猫子胡狗殺活全憑這副手可笑臨濟白拈天生一張惡口隨喝一喝云當年陷了華山壓倒八十一城你葷茄子瓠子向甚處走

上堂衣拖五尺布杖曳半山雲香爐峰下看石虎渡

溪大師巷前聽寒風吼樹有時爐邊煨芋有時棹泛
烟波尊貴墮隨手撥開末後句不勞提起雖狀如是
且道如何是老僧底主中主放下拂子云無限家私
都說破了無一法可商量

師誕日上堂僧問父母所生口一憑和尚大脫空小
脫空父母未生已前口掛在甚處師云不可掛在壁
上僧云學人大膽敢道掛在壁上師云老僧小膽怕
爛却僧云何不早道師連棒打下云也不遲僧轉身
便出師召云閻黎僧回首師云若作打會入地獄如
箭乃云山山青水水綠眼見耳聞千足萬足不消歇

却攀緣染淨凡聖取舍有無諸念不消拈却四大五
蘊十二處十八界和合諸入一任朝悠悠暮碌碌自
狀進用罔涉離微退藏不遭諸惑何須大脫空小脫
空花簇簇錦簇簇粧點父母未生已前本來面目良
久云谷谷便下座

上堂舉南院示衆云赤肉團上壁立萬仞有僧出云
赤肉團上壁立萬仞豈不是和尚語院云是僧便掀
倒禪床院云這瞎漢亂紩便打師云大小南院被這
僧拶得熱惄人人盡道勾賊破家爭知是養子之緣
善舞太阿劍決定無手厄南院有之慣編猛虎鬚必

撰述

三才圖會金石錄卷第一

六

有全身策這僧有之而今諸方病在膏肓三峰若不
發藥便道死而不救喝一喝云雖狀兩不相傷爭奈
二俱弄險

上堂岳頭未會末後句打碎虛空入爐鑄德山死活
總不知只解肚饑托鉢去惹得兒孫錯主張打瓦鑽
龜猛窺覲我今爲君明啓意吐出箇中真味趣黑漆
鉢孟纔出囊遇飯隨時下七筋山爲家雲共住唱罷

吳歛歌白苧

上堂擊磬衛取瑟歌聖人之教原無多拈起花倒刹
竿分分道了莫顛頂住住庭前柏子樹直直直大

佛小佛空山石若還拈起便擲豈止五千退席

除夕小參道不在內道不在外別有生涯屙矢見解
燈籠跳入露柱心實能容佛殿走出山門智通無礙
舊臘今宵送新春明日迎兩年新舊事一併付鐘聲
丙寅歲朝上堂拈香畢乃就座云白雲高臥已多年
贏得身心迴出纏隨例元正爇沉水自慙無德頌堯
天諸仁者衲僧分上尊貴天狀一住此山大忘人世
溪流菜葉偶狀脫賺諸方鉢貯案花儘可團園一室
晨鐘夕板未嘗失候違時嶺月巖花各自飛光美彩
若謂無心是道何異掘井陷人更言有得爲宗不免

櫻述

卷第一

守株待兔山僧有口終不謾人汝輩莫漫思惟打入
陰界卓拄杖三下云從來古路如弦直著脚何非化
國民下座

上堂拈起拄杖云豁開聖賢闇域卓一卓云流出音
聲佛事河裏水天上去月曩謨佛乾矢橛大士耳根頑
韶陽口門濶看他兩個人竭盡老婆心那事如何說
擲拄杖下座

上堂卽心卽佛將謂猴白非心非佛更有猴黑不是
心不是佛不是物斬斷葛藤窠勘破維摩詰咄互換
機鋒神出鬼沒

上堂僧問如何是第一玄師云不是涅槃心如何是
第二玄師云亦非正法眼如何是第三玄師云三世
諸佛只言自知六代祖師有口難宣僧作禮師云汝
旣知時節吾今不再三乃舉盤山云向上一路千聖
不傳慈明云向上一路千聖不狀徑山云向上一路
熟椀鳴聲師云不傳不狀熟盃鳴聲我今無說汝亦
無聞下座以拄杖旋風打散

上堂三百六十骨節皎皎凝虛碧八萬四千毛竅澄
澄發皓彩逆底順底著著趁玄機是底非底頭頭超
方外山河大地草木叢林盡是恒沙劫千佛之數信

提述

得及貧兒暴富信不及三峰話墮

上堂百千萬億華藏界信手拈來只一束夜來埋向
虞山巔天上人間作眼目好醜難逃這一機雙泯互
存無背觸覶絃鼓斷少知音他年留待鸞膠續

上堂本色住山人且無刀斧痕殿上考鐘伐鼓聲聲
塞滿耳門驗人端貴知音聽響終非莽鹵驀拈竹籠
云肯不肯兮觸不觸誰信先天爲心祖

龜參僧問如何觀音妙智力師云捕下金剛頂上鍼
上堂老僧終日與諸人同起同住同語同嘿全無一
點奇特處但有一件奇特處不得不告報諸人諸人

極力思量到無思量處起心動念便不穩貼老僧在
無思量處起來千思百量不妨喫得飯屙得矢

上堂先炤後用莫從鏡裏逃頭須信頂門有楔先用
後炤正遇黑風暴雨還知冷月疏星炤用同時陣裏
飛砂刀頭具眼炤用不同時東影旗旛西藏袍弩喝
一喝云須知晝伏夜行不得隈刀避箭

上堂心不是佛明如日智不是道黑似漆大丈夫須
猛烈既狀拈却佛祖機因甚抱守繫驢橛直中曲曲
中直要平不平憑秤尺

上堂國師三喚當陽明皎皎侍者三應徧界黑漫漫

撰述

三藏和尚詩錄卷第一

九

最喜是生死煩惱可惡是菩提涅槃人間月半天上
月圓咄咄鼻孔撩天不着穿
上堂爛炒鍊釘盛滿鉢夜來托出新羅國遠來人事
非等閑祇許供僧莫供佛指天指地自稱尊撞到雲
門無折合

上堂從上來事匪從人得截下左臂天地懸隔擬欲
安心紛狀打失捉摸至今空無所得咄休大歇大眉
橫鼻直誰恁麼道白拈老賊

上堂金槌未動曠狀繩墨之外玉塵才揮縱橫得大
自在老僧一物不爲闖黎明辨去來菩提涅槃等名

是從淨汰中得貪愛取舍等名從穢汰中得淨穢兩
忘掃踪滅跡任運相將不可陪汰雲隨處起風雷
上堂拈起拄杖云鎮海明珠只有一顆仰山不來深
藏待賈卓一卓云東寺驀地捧出炤破山河萬朵
上堂若論此事如迅雷貫頂掩耳不及吐出清風一
條鎧鏡向須彌頂上一槌金剛山下透脫倒卷虛空
萬仞壁立若是臨濟嫡骨兒孫便解向獅子口裏敲
牙驪龍脊上揣骨賓主互換通身縱奪末後句裏出
身威音王前過活還有如是操略者麼出來與老僧
相見

問答
不錄

換述

住蘇州北禪大慈禪寺語

上堂蕭條古寺傍城隈萬戶吹烟曙色開獨坐雲堂無客問西山相逐送青來諸仁者無情運用舉足則步步通塗有識興慈逐念而塵塵障道爭拾池中之礫遺下明珠偶迷鏡裏之頭遂忘本體拈拄杖畫一畫云若不畫斷早見葛藤徧界

勉參此事喻如蘇州一座城總有六門門門有路通達往來若閉塞五門教人總向一門出入途路中不免反添之達不若隨方來者隨入一門翻得徑捷狀雖如是饒你得到蘇州城裏要來北禪寺參見老僧沙那能衣錦還家

上堂胡亂三十年不曾少鹽醬到處行脚也須帶眼古今盡道得大機北禪看來全不像若論百丈門風豈可預搔待療拈起拄杖云看看用時便用絕商量方信臨機原不讓

上堂僧問佛祖公案只是一個道理因甚有明與不明師云昨日開元石佛放光有者道青有者道黃有者道黑道白道赤一總不定僧云和尚也是熟處難忘師呵呵大笑良久乃云于心所生卽名爲色知色空故生卽不生盡大地是正汰眼藏盡大地是涅槃妙心實相無相微妙汰門從甚處入喝一喝云更須買草鞋行脚始得

上堂天上不能容地下著不得鼻孔海天寬耳門鍼眼窄未問著先已頭紅面赤畢竟是甚麼人達磨曰不識觀也音菩薩將錢買胡餅放下手來是一塊黃

石會麼揮拂子下座

上堂頭上是天脚下是地青山自青白雲自白會也有粥喫粥有飯喫飯不會草鞋錢且置粥飯錢甚麼人還良久云劍太久矣爾方刻舟

上堂綠槐絲吐掛青蟲恰恰珍禽冷冷風縱是三千廣長舌個中消息最難通曳拄杖下座

上堂有佛處不得住百歲翁翁失却父無佛處急走過海壇馬子似驢大三千里外逢人不得錯舉一字是一字一句是一句恁麼則不公也世情無眞佛法無假摘楊花摘楊花攬得身心亂若麻老趙州沒來

一 楊述

繇輸贏豈在東司頭

上堂無汰可說是名說汰烈焰堆中試請下脚三世
諸佛一脚歷代祖師一脚北禪今日也是一脚現前
大眾還有不惜娘生脚板者麼一僧纔出師連棒打
退云是甚麼所在你也要插隻脚便下座
上堂門外有大路祇要大踏步一步是一步直透長
安路喝一喝下座

上堂未透祖師關錯過大好山踏着大好山有甚祖
師關

上堂今朝四月廿九受用頭頭皆有葛衣自抹清風
蒲扇信翻輕手曬曬睡眼模糊落落精神抖擻偶爾
曳杖出門隨處看花看柳

上堂竿木隨身逢場作戲始從鹿苑終至跋提河
于是二中間未曾說一字後來缺齒老胡分皮擘髓
一出又一出拖到而今陽春易和白雪難齊門槌拍
板忍俊不禁道嚙諸人還委麼良久云原來駐雲飛
也不識

上堂三轉汰輪于大千其輪本來嘗清淨北禪寺裏

一日兩食餽饋飯禪和家人人肚裏七上八落今早添得一食白粥便見穩貼貼地真不掩僞曲不藏直現在可驗謾我不得拈起拂子揮一揮云見麼良久云我且謾你這遭便下座

上堂何方聖者甚處靈祇秤盤上分斤定兩筭筒邊橫千豎百于食等者于汰亦等于汰等者于食亦等觀世音菩薩將錢買胡餅放下手來却是饅頭因甚佛殿山門全歸肯諾燈籠露柱猶自沉吟良久云此意幽深

上堂舉雪峰和尚示衆云盡乾坤是個解脫門把手

拽不宵入師呵呵大笑云自累猶可莫累他人七百衆善知識幾時跳出這個解脫坑

上堂開市裏天子百草頭老僧在人王人王中尊在法王法王中尊偶狀夜戶不閉撞入個白拈賊一衆驚懼不睡依律合得何罪衆無對乃云不可便恁懼懼放過

上堂西來大意非小兒戲千七百家各逞絕伎拖到而今展轉埽地略較些子庶幾臨濟推授將來依狀驢屁玄要橫豎是三主賓死活是四縱有孝子慈孫信你實情難事要知容易爲人請觀近代禪肆舉了

按述

便恁會了何必苦他心志此是誠諦之言聽與不聽在你

上堂窮諸玄辨若一毫致於太虛竭世樞機似一滴投于巨壑眼前綠水背靠青山一夏與麼空也覺好過倘或日出事生未審作何向當良久云豈不個個英靈

上堂腳脚踏斷烏鵲橋步步不從雲裏走自從換得金剛眼物物都將腦後看問着便轉牙如利劍口似血盆信口道來七石缸門裏大細而論之一即是二二即是四紅白琉璃月下看一雙和影逆人寒豈有

如是事豈無如是事重之疊之四即是八八即是十六一二以至千萬不可說轉貓兒跨跳上層樓尾上研槌翻霹靂如何是佛良久云塑且說到這裏莫被諸方簡責

上堂人之嘗情一時難改逆則生嗔順則生愛喝一喝云學道貴除心何惜這皮袋

上堂年年冬寒夏熱朝朝夜暗晝明使得十二時辰看看能有幾人喝一喝云太平本是將軍致不許將軍見太平

上堂舉南泉云文殊普賢昨夜三更起佛見法見各

與二十棒貶向鍊圍山師云近日有從鍊圍山來底
衲子麼我不問你禪道佛法祇要問你二大士起居
安樂否少病少惱否衆無語乃云莫謾山僧好
上堂舉茱萸把一榦竹上堂云還有人虛空裏釘得
榦麼時有靈虛上座出云虛空是榦茱萸便打靈虛
云莫錯打某甲茱萸休去師云靈虛不道無未免性
燥你看他古今善知識那個便肯放得下這一榦老
僧非是倚勢欺人往往知而故犯雖狀茱萸休太未
可全信

小參古意不可得蕭狀四座僧簷牙無燕雀赤日印

空庭治世語言資生業等皆與實相不相違背不可
得意則不問日印空庭事若何乃云苔文鏤石古草
帶篆簾青

上堂釋迦已滅彌勒未來北禪三門早閉晏開但兒
頻出入知他才不才莫怪老僧閑管事要須分辨墨
和煤

上堂森羅及萬象一法之所印凡所見色皆是見心
澄潭月影靜夜鐘聲一處真千處萬處一時真喝一
喝云幾多癡男女茫茫古到今
住杭州臨平安隱禪寺語

提述

二刻和尙錄卷第

六

上堂纔白椎師以拄杖橫截云千佛下口不得歷祖一場敗缺今日直下拈來依狀是赤骨律此事如干將莫邪雙腕並運如冰花若火燄向報化佛舌根下一截正好銷兵鑄饅樂過平生只今還有具如是操略底漢子麼出來與安隱相見問答畢乃拈拂子云釋迦老子得這消息便會指天指地末後露出雙趺西天四七東土二三得這消息便會說偈傳心以空印印空印水臨濟得之而棒喝雲門得之而鑒映鴻仰向有無處吹火洞山于觀影處我渠汰眼在曹源一滴水答曹源一滴水處唯心新安隱一音收在拂

子頭上且道拂子頭上是甚麼道理擲下拂子云久立衆慈伏惟珍重

晚參賓主相逢爲對揚神機一着好商量定盤星子難移動卓午高竿隱太陽舉臨濟同普化赴施主齋次濟問毛吞巨海芥納須彌爲是神通妙用爲是法爾如狀化踢倒飯牀濟曰太龕生化曰甚麼所在說龕說細次日又同赴齋濟問今日供養何似昨日化亦踢倒飯牀濟曰得卽得太龕生化喝曰瞎漢佛法說甚麼龕細濟不覺吐舌師云普化霸力橫施但禪王化不忘成褫之記可見賓則始終賓主則始終主

祖述

三藏利誥金剛卷第一

臨濟使盡軟頑不聞雷聲動地微見冷芒逼斗致令後代兒孫點簡不知向阿誰吐氣良久云安隱今日挽古回今轟個霹靂去也便下座

上堂舉世尊一日陞座文殊白椎云諦觀法王法法王法如是世尊便下座師云文殊見小欲速世尊將計就計若作佛法商量分明是小兒戲山僧路見不平拄杖云要打他家師弟還有爲二老出氣者麼良久卓拄杖一下云諦觀法王法法王法如是便下座

雲門澄和尚終七燒香翻大海作漚繩繩開洞水之

源卓妙高爲杖籍籍振雲門之價正見誕子化生之盛何期推爺滅祖之歸布袋藏鴉四十九日已前尚噪銀盤盛雪三十二傳之後光生玉線牽來今日是渠前日我繪圖留下紙間頂相背間毛阿師儼在孝堂古佛嘗居顯聖繇偏入正今日痛哭于無從以正爲偏將來莊嚴于妙覺俾石頭之路永滑代起羣猊令威音夜半正明嘗懸慧日

上堂以拄杖作半個圓相云圓不圓直不直若人道得出與你做相識良久卓拄杖云長相憶只有這個賊

根蓮

一卷利闡前金

上元上堂繁鉢雜鼓夜駢闌火樹星橋爍遠天誰把娘生雙白眼看到威音更那邊

舉公案不錄

金粟老和尚送僧伽黎至上堂專使出問佛佛授手祖祖相傳佛佛授手卽不問如何是祖祖相傳底事師云金縷分明說向人使禮拜師云三十棒留與老和尚打乃舉起衣云自從多子增前籠罩迦葉遂使至今在雞足山前冷坐黃梅室裏遮圍六祖致令馬駒脚下熱鬧不休復展開云今日遞代相傳送向安隱堂前仔細看來只好裹三十年前底破草鞍放下云若是釋迦老子金色頭陀大滿大鑒出來道內傳

法印以契證心外付袈裟以定宗旨正好劈脊一棒用酬金粟堂上本師和尚汰乳之恩還有旁不甘底從金絲裏出頭布縫中吐氣者出來與佛祖雪屈時值迅雷一擊師云一聲雷送千山雨大地春風花自香卓拄杖下座

佛涅槃日上堂頂門突眼非爲正榔裏呈趺未是全八斛四斗亂拋撒二月重圓又一年舉世尊于雙林將般涅槃以手摩胸告衆曰汝等善觀如來金色之身瞻仰取足勿令後悔若謂吾滅度非吾弟子若謂吾不滅度亦非吾弟子師云我當時若在好與一棒

批述

三才圖會卷第一

打殺免得臨末稍頭生事一上豎起拂子云會麼切
 怪他有頭無尾世尊右脇累足泊狀而化卽入金棺
 爾時迦葉尊者後至世尊于棺中露出雙趺示之師
 云我當時若見以杖叩其脰放下拂子云只爲他有
 尾無頭此時金棺涌于虛空高七多羅樹化火自焚
 得舍利八斛四斗流布人間天上師喝一喝云猶未
 許渠在卽今二月十五佛般涅槃之日這則公案還
 有人繙素得出麼若繙素得出速來道取良久卓拄
 杖云杏花含雨濕柳眼帶烟囁

晚參入得安隱門得到安隱地旣到安隱地莫問西

來意

解制上堂舉話畢乃榔櫻橫肩云杖頭山色花間滴
 脚下泉聲雨後多便下座

歲戊辰翁方伯馮節推諸檀護請開堂拈香畢乃就
 座云新天子登極廓矣無爲舊安隱重來頽狀尊貴
 夜犬吠花梢之月那識太平朝龍嘘石洞之雲豈知
 神用老僧只解著衣喫飯何勞舉拂拈椎所以曹山
 曰披毛戴角是類墮不斷聲色是隨墮不受食是尊
 貴墮覺範曰垂衣裳而天下治者堯也須知尊貴一
 路自別此曹洞宗旨也茲因聖君御曆特拈尊貴之

旨以見皇風還有人向個中實證者出衆唱和太平助宣聖化問如何是類墮師云鼻下無繩滿山青草進云如何是隨墮師云倒跨白牛橫吹短笛進云如何是尊貴墮師云人牛歸太月落前溪進云曹洞旨趣已蒙垂示濟上宗綱又如何師打云向這裏會不妨尊貴遂卓拄杖一下舉臨濟大師曰沿流不止問如何真炤無邊說似他離相離名人不稟吹毛用了急須磨顧左右云且道如何是流此從~~微~~斷兩頭中間突出乾慧中發來逆流而進中中流入爲向上更有許多事在所以不止從玄入要以至主中主尚有

見在豈非真炤雖則無邊狀只好似他而已若是透過已前則離相離名何者爲人只是你那悟處到這裏透過一切故悟不能稟此處與曹山尊貴相似更要吹毛用了急須磨始得故曰垂衣裳而天下治者堯也復卓拄杖三下下座

示衆機先一向是汝諸人安身處先機一著是汝諸人立命處其間左之右之或伸或縮是汝諸人踏脚處末後一句是汝諸人出頭處

晚參舉一不得舉二放過一著落在第二此是睦州骨髓乾峰的訣雲門雖解虎口橫身也是間道小卒

相送

乾峰善能倒轉旗鎗也是背水設陣若到安隱門下
個個要渠失二落三去一墮五三大老驥直相逢人
人叫冤叫苦會得者出來把手共行平分半座其或
不狀一卽是二二卽是四也是紅火又相打只好一
次

晚參舉大覺參見臨濟濟舉起拂子覺敷坐具濟擲
下拂子覺收坐具參堂公僧衆曰此僧莫是和尚親
故不禮拜又不喫棒濟聞令喚覺覺至濟曰大衆道
汝不禮拜又不喫棒莫是老僧親故覺珍重下去師
云二大老靴中指動水底魚行且道那個是賓那個

是主直饒虎兒出于柙爭奈龜玉毀於檻中縱狀鉢
裏藏龍又見風雷過峽

靈鑑法主到上堂客從臨平來貽我一編雪字字古
人心讀之寒凜列喝一喝云當年第一座早已爲君

徹

丙寅冬制法主
會克安隱首座

上堂秀初居士纔出師問昔大鴻和尚道有句無句
如藤倚樹你作麼生會士以手橫一橫云劃破虛空
一條血路師云忽狀樹倒藤枯畢竟句歸何處士云
拄杖依狀亘今古師云鴻山呵呵大笑歸方丈聾士
云重疊關山師連打三棒云也不屈着你良久復云

增補

三峰和尚語錄卷第一

三

大爲空裏釘樁安隱兔頭截角雖狀總是尋嘗事千
古輸他手段高

晚叅僧出作禮師云萬法歸一歸何處僧云今朝
早是臘月初三師云古人道青州布衫重七斤是同
是別僧云一滴水一滴凍師云如何是奇特事適殿
上開靜僧云鐘聲敲破七條師乃云今日臘月三朝
鐘聲敲破七條露柱滴水滴凍燈籠不敢聲高奇特
果狀奇特拄杖莫漫肆驕老僧倚老賣老讓與風流
年少下座

三峰藏和尚語錄卷第一 終

三峰藏和尚語錄卷第二

吳虎丘山雲巖寺嗣法門人弘儲記

住蘇州鄧尉山聖恩禪寺語

已已結夏熊邑侯魚山同闔郡紳衿請上堂豎起拂
子云三世諸佛歷代祖師山河大地世出世間一切
諸法縛作一團千牢百固擲向諸仁面前還有決烈
漢一擊粉碎者麼問昔年萬峰于此大轉法輪今日
三峰到來祖道重光未審唱誰家曲調師云龍碑鍾
王氣進云恁麼則臨濟中興雷轟電掣公也師云鳳
嶺蔚青霞僧作禮師便打問威音王佛一金圈拋向

60

1 2 3 4 5 6 7 8 9 10 1 2 3 4 5 6 7 8 9 10

撰述

三藏科言錄卷第一

當陽事若何師云湖洗千秋日進云得意忘言卽不問橫三豎四是何宗師云山擎萬古天僧擬進語師喝住良久乃左右顧視云諸佛未出世祖師未西來威音王未有名字以前還有生死也無各人父母未生三緣未合天地未分覺明未咎以前還有四句兩頭是非好歹言思識路也無昨宵正睡著時無夢無想無見無聞還有現前許多理會也無若向這裏了得則知從朝睡醒下床洗面喫粥迎賓送客嬉笑怒罵是有心耶是無心耶若道有心則前來三處心不是有若道無心則現前是誰主持若向這裏透過則

山出波中對撐殿角正好搖扇乘涼過夏雖狀如是猶坐無事甲裏若有一物現前未免心生意解情塵亘天顧杼停機生死塞路如何得大休歇大自在若是個不顧危亡底向未問以前劈口一槌板齒落地眉間掛劍血濺梵天饑鷹爪上奪雀猛虎口裏下鍼始契他臨濟大師道一句中具三玄門一玄中具三要額上亞目頂中出頭處處超佛越祖在在益色騎聲堪報不報之恩共助無爲之化喝一喝卓拄杖下座

汰堂落成上堂以拂子畫一畫云會麼太陽到向諸

神藏沒赤口白舌盡消除又畫一畫云會麼普庵到此百無禁忌九良星煞沒坐位諸仁者前一畫後一畫畫相對四柱卓雲諸稟立地臨濟宗旨盡情說了也還有向上事麼又畫一畫云不因跨海擎天勢爭見千秋柱石功

上堂雲無心而出岫招搖鳥倦飛以知還歷歷落落堪笑陶淵明舍童却從輕有五斗米腰不肯折無一盃酒肴便解攢阿呵呵廉亦不必廉貪亦不必貪但除心裏病到處腳頭寬

上堂朕凡未形已前切忌守著自己形名既分之後要須打破目前大象不遊兔徑鳳凰宵唔雞粟祖師門下電光莫及石火難追喝一喝云說萬峰以強欺弱得麼便下座

上堂獨瞎娘生眸劈開覲驢井任他驢事馬事不管生耶死耶至若拈赤生銕補鍋飛輻轢鑽釘縫不過事存函蓋理應箭鋒也不是驚天動地底事何故聾兩手捧盃雙足結跏誰家沙彌非佛祖一身帶影四體承月那個男兒不丈夫遂卓拄杖下座

上堂以口說法口有時歇以身說法身有時滅拈起拄杖云祇有這個菩薩生辣辣一例橫該抹不管係

眼裏無筋祇要你皮下有血

上堂老僧有時將太虛空千蝦萬煉煉成一柄金剛
王劍揮天截地有時放下寶劍逼塞虛空令三世諸
佛歷代祖師無出頭分有時捲盡白雲歸洞府轟雷
暴雨過黃昏所以道有句無句如藤倚葑雖狀切忌
問著問著則頭角生

小參沉空滯寂齷齪齷齪混世同塵潔潔淨淨長者
長汰身短者短汰身月大大盡月小小盡狸奴白牯
却知三世諸佛不省要得四海平定喝一喝云急急
如律令

上堂本來無一物教外有何傳幾多英靈子紙裏又
麻纏天台南獄奔如電河北江南走似烟漆桶漆桶
蒼天蒼天狼藉不止東土諸訛始自西乾

女弟子上蓮修淨業請小參口口佛心心佛事事佛
步步佛一撞一磕都是佛忽恍撞著石大郎口中吐
出蓮花碧

上堂拈起拄杖云看看十五日已前日月未足喻其
明十五日已後虛空未足喻其廣正當十五日有高
逾泰華深越滄海一句子擬舉似諸人未免道欺人
太煞有信得及者出來兩手分付僧纔出作禮師劈

撰述

三峰和尚語錄卷第一

脊一棒云且道一半僧進前云乞和尚全副道將來
師擲下拄杖云要頭截取太僧擬議師托開云是甚
麼乾矢橛便下座

上堂冒虛空爲鼓懸日月爲槌打鼓普請鄧山五百
木羅漢分取柴庄嶺上薪蒸得米圓峰頭粟將漁洋
盜孟山滿盛香積憑鄧山翀天飛鳳和聲念摩訶般
若三世諸佛如麻似粟虛空中懽喜合掌惟有普賢
長子騎却竹山臥象峰爲作證明曰若人會得這一
句子管取參學事畢便下座

上堂有句無句如藤倚對不參活句參死句豈止蹉

過河沙數對倒藤枯句歸何處大地山河生鍊鑄千
人萬人把不住湧山呵呵大笑歸方丈迢迢相望八
千里往復何嘗行舊路喝一喝云此是圓通自在門
萬峰不須重指注

龜參今朝臘月二十底事處處難值若便與麼放過
不久便是除夕

小參臨濟只爲觸體乾不盡長年無風生浪德山多
因塊壘未全銷一向平地起堆萬峰一串穿來掛向
八風頭裏任他事逐眼前過管甚老從頭上來
庚午元旦上堂拈起瓶中花云拈花嵩祝願唯欽春

到方知聖主心出世豈忘歌帝力捷音且喜到山深
 兵揚北闕彌天壯冠敗西山指日擒欲把金剛王一
 拂爲皇千載靖氛祲舉臨濟大師曰有時一喝如金
 剛王寶劍師云魔佛同誅有時一喝如踞地師子師
 云空礙俱破有時一喝如探竿影草師云烽烟未動
 砲已先行有時一喝不作一喝用師云擊鼓三通強
 凶授首今日元正新旦只見殺氣騰騰雖狀正是我
 大明國裏春風習習還有會一喝金剛王者麼道道
 僧纔出師云禮拜當朝北闕便下座

上堂日日東出日日西沉是聖是凡劈脊樓那

管一棒一條痕空劫已前無自己眼目人天是甚麼
 人上上上上到最高高處望望見青山起白雲
 上堂曉色烟爲山夜光月成雪不知萬谷梅祇覺香
 鎏骨高風過疾雷空芬轉幽烈問我西來意早已爲
 君說良久云向上一路千聖不傳未入門來早已三
 十棒了也

上堂築牆護果鑿地蔦花鑊嘴廉尖石頭磊塊客來
 迎送米到擔扛愁醬乞鹽吟風美月此是住山活計
 久參上士不消重說偈言後學初機領取向下注脚
 乃云重湖疊嶂梅千頃場屋低簷四五家未坼竹根

撰述

三藏和尚真錄卷第一

九

先掘笋略虛對譯又栽茶便下座

上堂如何是佛虛空一具黃金骨如何是汰水清石
 冷苔長滑如何是僧耆長拖地骨如冰如何是三寶
 具足古殿汰堂方丈屋如何是其中事日上芋香猶
 未熟厨下先烹一盞茶還有受用也無白雲爲牀梧
 葉爲屋睡熟翻身水足草足恁麼則如何爲人聾相
 逢不道人間事指點湖山個個青老僧恁麼自問自
 答拄杖子恁麼自問自答大衆亦恁麼自問自答拄
 杖子若會得則老僧會得大衆會得大衆若不會則
 拄杖子不會老僧不會今問拄杖子還會麼良久山

鳥亂啼乃云分明是個事山鳥正啼忴

上堂老僧近來枕石放身瞑狀案下不能說汰無已
 則委之萬象將使雲霞絢赫水石擊衝露遮那身出
 廣長舌曰的地藍曰阿布使曰四月乍晴山色好一
 天初曉鳥聲多此等皆非一代時教之所管攝今日
 十方爲口山說水說空說有說刹說塵說有情無情
 三世一切同運汰輪令聞者令見者立地成佛且道
 如上說底是甚麼汰良久乃云湖上盃盂峰乍洗峰
 頭圓米飯初蒸

上堂摩訶衍法四句既離百非又絕空蕩蕩三千刹

海冷澄澄八萬法門美則美矣猶未盡善何也不能
傾出猛烈紅爐燄鎚碎清涼白月輪李將軍有家聲
在不得封侯也是閑諸人要識三峰眞的旨麼喝一
喝云威風八面言思斷平地翻爲荆棘林
結夏上堂笋出林梢竹乍齊青梅初重壓枝低山知
雨好頻增色鳥惜花殘不住啼衲裰卷來雲在架革
鞍懸後草成蹊湖光近檻閑無用洗盡晴霞日落西
隨顧左右云會麼若作結夏佛法會入地獄如箭射
不作結夏佛法會亦須銜鍊負鞍

上堂舉六祖至廣州法性寺寓止廊廡間暮夜風颶
刹幡聞二僧對論一云幡動一云風動往復酬答曾
未契理祖云可容俗流輒與高論否直以非風幡動
仁者心動師云弄泥團漢有甚麼限滿盃炒浮漚擎
來克供養影響盡消亡心作底模樣

上堂僧問露柱掛燈籠山門騎佛殿神通法爾則且
置如何得穩坐家堂師云山僧無伎倆僧云和尚莫
謾某甲師云白日青天鬼夫人又僧問趙州喫茶公
不是好心和尚開堂來的何宗旨師云掌上星初滿
僧云恁麼則爲瑞爲祥公也師云盤中月正孤僧禮
拜師便喝乃云山僧無伎倆一步是一步看他一葷

撰述

卷之三

金石錄

茄子瓠子不思爛貨沒人買偏要擔向十字街頭爭
 鮮鬪價白日青天鬼美人真個苦哉佛陀耶山僧今
 日正擬移風易俗要使動者靜亂者定邪者正以拂
 子左拂云唵部臨部臨以拂子右拂云唵齒臨齒臨
 伏願風以時而雨以時漁父歌而樵人舞直得皇封
 坦蕩化日熙怡無一物不遂其生無一法不安其性
 且道山僧憑何力用致斯盛治乃復以拂子作一圓
 相托呈云見麼掌上星初滿盤中月正孤
 小參一句洞今古千生絕往還待看春雨後岳下聽
 潤浸卓拄杖下座

上堂纔問著古初掉大洋海底火星飛赤日頭邊急
 流瀑白花牛穿破粉底皂靴青頭蠅不冒揚聲大叫
 丘八王趙五到敲金章打玉詔奣花妬眼能相撩此
 是老僧向來不會道底若會得出來下個註脚僧纔
 出師便下座回至方丈侍者出云請和尚註脚師云
 鄭龍苦雨章海酸雲進云雲收雨霽後又如何師云
 落長七生

上堂舉五祖演和尚云釋迦已滅彌勒未生森羅萬
 象推向一邊且作麼生是你諸人嘗住汰身乃云有
 功無功莫使腹空師云五祖老漢顚顚預預鼴鼴伺

撰述

侗更參三十季也未會汰身向上在狀雖如是土曠人希試聽下個註脚喝一喝云夏日赫如烈流汗思冷泉偶爾得一句大雪下長天

病起上堂山僧前日通身是病晝夜攢簇不得何啻四百四病正當病時病亦是病藥亦是病那知更有個不病者及至病退身安從前寒熱衆苦相貌總不知向甚處去也三百骨節八萬毛竅一一抖得乾乾淨淨徧覓病源了不可得始信這觸體皮袋裏面直是安置伊不得病與不病是甚麼閑大眾祇是一個身子且道因甚有兩樣喝一喝云夜冢觸體原是水

客盃弓影竟非蛇個中無地容生滅笑把遺編篆縷斜

龜參古人真實相爲道有念盡爲煩惱鎖無心端坐水晶宮我却不恁麼喝一喝云幽花自戀秋深草脫葉誰知對底雲下座

上堂釋迦墮七墮八達磨落二落三托言爲道爲汰實情覩水遊山拉下禪床問你南北東西討甚閑秋風涼秋夜長井梧飄嵒桂香初無益覆有甚囊藏但不許世諦流布且不容佛法商量擲下拄杖云違得便行真漢子人間天上本無雙

（撰述）

三藏和諧記卷第二

十一

上堂一立一破猶有塵在無立無破猶有汰在塵汰
雙亡猶有亡在老僧一棒到底使你冰消桶脫你莫
非又向冰消桶脫處躲跟麼拈挂杖云一頓兩頓三
四頓一一會來真是鈍棒頭有眼爲君分腦後雙眸
何足問直打下法堂

上堂僧纔出師驀頭與一踏僧起身云好一踏師云
你從甚處來僧擬議師又與一踏云自己來處尚不
知也要說好說歎乃云山僧今日不能與這僧斬絕
未免勞而無功還有赤心片片底衲子與老僧倒斷
不致兩相辜負良久云這一踏非惟踏破釋迦腦蓋
抑且爲千古龜鑑

上堂喝一喝云螻蟻馳上泰山閼斷日觀峰頭巨石
蟪蛄奮出滄海噓成羅浮頂上白雲人人有這自力
却不用倒借別人底手拭涕可惜許也豈不見長橋
下蛟只消一劍藍田中虎不出一箭直下便請何等
快便大丈夫呵呵踏踏歌藍采和不若十字街頭
布袋和尚把木屐拖觀世音菩薩將錢買胡餅放下
手却是饅頭雲門大師來也諸人還會得門縫裏事
麼喝一喝云今日三七大悲懺壇完滿掃萬峰祖塲
山頭掛百燭燈湖上點通宵炬設放燄口施食普利

撰述

水陸莫言不道

淨心居士請上堂生平篤信是參禪琴上相看二十年施地但知開刹願食貧未惜買山錢清涼夢繞藤爲座鄧尉身空水是天三日耳聾君會取馬師道汰廣無邊良久喝一喝云若還與麼會難免叫蒼天上堂嶒峰無磴海無舟率意驅車痛哭休從此頹狀坐芳草問來伸手折花酬

上堂一棒一條痕一摑一握血到底一重關人人盡叫屈屈透過兩三重敢保老兄猶未徹

辛未元日上堂拈香畢乃就座云風不鳴條雨不破上堂以拄杖畫一畫云若人會得這一畫則能攬長河爲酥酪變大地作黃金世出世間山河大地無一針鋒許不是棒頭的旨又以杖畫一畫云若人會得這一畫則黃金變酥酪世界爲白銀世出世間無針鋒許不是大休大歇大安樂處復以杖畫一畫云若人會得這一畫則黃金酥酪酥酪黃金鍊作一團打作一片世出世間無一針鋒許不是大尊貴處諸仁

者還會也無會也不出此不會也不出此以杖卓三
卓云移花兼彩蝶買鍊得黃金

上堂數萬先須舉一二五恰成一十數到不可說處
舌大如槌神機活脫蟠彥一夜盡開花歲歷三千始
成實諸仁者萬出于千千起于百百始于十十始于
一只這一又從那裏起良久云剝到頂時培碩果雷
從復處震天機乃喝一喝云諸仁者這一喝有時作
一喝用有時不作一喝用有時一喝不作一喝用若
人會得管取參學事畢會麼王師合藉干城力四海
歸降賀太平

李侍御請上堂有言無意號離鈎拋出先天紫氣浮
泰華璧開輕有力黃河畫斷水西流若人會得這一
句則手握乾坤指呼日月先天地而不生後天地而
不老亘古亘今只是個自己諸人還道得麼不狀老
僧自道公也今朝二月廿四飯僧作大佛事策起三
丈白眉直下爲君指示乃揮拂大喝下座

上堂喝一喝云特牛生兒也又喝一喝云一馬生三
寅又喝一喝云此中一句能令山河大地草木風雲
情與無情一時轉大法輪成等正覺諸人要會麼復
喝一喝云向這裏入問掣肋三拳佛降生指天指地

令全行父子傳燈光燦爛請師的的示分明師以杖
畫燭進云啐啄頓開天地竅鸞雛衝破碧琉璃師以
杖于前相外畫一大○進云父子合宗千古印燈燈
續談古今傳師以杖于一○中點云呱僧作禮師便
下座

通州弟子濟聞請上堂諸上座不用尋思盡十方世
界明明地無一塵一縷爲緣爲對咳唾超彼三賢掉
臂直透十聖著衣喫飯行住坐臥有甚麼事不見永
嘉云絕學無爲閑道人不除妄想不求真祇恁麼散
太佛法道理一總用不著可笑德山緣密有甚三句

語示人一句函蓋乾坤一句截斷衆流一句隨波逐
浪長安路上得恁麼滾滾地

上堂五十五位盡是度門從門入作好不丈夫若是
真正英雄爭肯踏佛階梯落人背後諸人清淨心中
若起一念修學心即是平地上立個階級不可度越
汝若無心即是步步通途說甚麼遠近高卑良久云
會麼分別魔軍熾忘機佛道隆

龜參僧問不與萬法爲侶者是甚麼人師云老僧遭
你鈍置僧云一口吸盡西江水又作麼生師云闍黎
遭我鈍置僧一喝師擲下拄杖云爲他閑事長無明

撰述

卷之二

古

便下座

上堂問闢天人漢域一往已見全提振今古洪謨此時願垂一語師云莫道點頭猶未是纖毫不了亂縱橫進云金毛師子相逢也未必輕輕放過伊師云行腳若還不帶眼難免海外覓浮漚僧點頭三下師云果狀地濶少知音問諸法寂滅相不可以言宣三藏十二部所說何事師云不錯進云大用現前不存規則因甚又道演唱宗乘須具三玄三要師云不錯進云威音王已前是甚麼人先悟師云人事少暇緩緩和你商量前兩錯進云和尚也須領話師云一期會

話還副得上座意麼僧云不副師顧左右云這回老僧得也便下座

上堂古人住山嘗有偈云釀茶三五盞意在饅頭邊且道是甚麼意老僧則不狀蠶豆茶邊採西瓜竹裏裁鋤成生熟地一月兩番開今古同風宛有住山氣象若是真獅子兒不妨向這邊跳躡所謂獅子兒衆隨後三歲便能大哮吼諸仁者簑衣索索官人不落三耳朶草鞋放在禪床脚下省得諸方亂走行脚還有真正赤骨律住山漢子出來道看良久云開田儲夏水種對壘春雲

撰述

卷之二

上堂舉睦州和尚云汝等諸人還得個入頭處也未若未得個人頭須得個人頭若得個人頭不得孤負老僧師云賺臨濟喫棒拶雲門脚折底本事甚處公也反自出入入兩頭三緒教壞人家兒女萬峰若不徹底掀翻使彼承言滯句者一個個李向赤邊咬埋沒已靈溪爲可惜衆中還有捉敗睦州底衲子麼老僧宵相孤負拈拄杖卓一下云要用直須用眼目莫定動

龜參德山小參不會話埋沒宗風趙州小參要會話駐他先作萬峰今夜小參會得自己底截斷他脚跟

識得目前底穿瞎他眼睛起佛見汰見底與他茶喫不見一色底與他平交不是山僧爭人我大都縞素要分明且道總不與麼底又如何良久云後五日看上堂秋山乾若洗秋水流如砥秋雲淡不生七十二峰起所以鄧尉山與光福墖首尾間會致令漁洋山齧指出血長旗嶺叩首皈依何以故以拄杖畫一畫云班鳩麻雀大於鵬白象青獅小如蟻又畫一畫云會麼杖頭花正淡爭奈草鞋有鼻而無跟東邊撞木鐘西邊敲瓦鼓齊一變至於魯山僧二十餘年一向打葛藤從未曾說到這裏今日不覺盡情嘔出良久

一
提述

云若將耳聽終難會眼處聞聲始得知

受揚州天寧請上堂向上大法不惜當陽拈示諸仁者從維揚放舟截江到鄧山三日寒雨一道清風及乎到來舟懸石岸斜轎上泥坡滑登涉間關參尋不易伏惟珍重至若向下一句則未踏船舷早已說過了也且道還有末後句也無十月多風信難爲衣薄人會得者出來唱和一上問適纔和尚道未踏船舷早已說過了也說底是甚麼師打云說這個進云未在更道師云徐又作麼生僧云未陞座已前和尚已喫三十棒了也師打云這一棒阿誰喫僧一喝拂袖

歸衆問和尚道風遠振沕雨均施今日覲面當機未審如何相接師打云這樣接進云還肯別施方便接彼遠來者麼師云肯進云如何是和尚底方便師云向下會取進云設有個金睛突出頭尾交加大吼一聲和尚又作麼生師作虎聲僧云今日長安大有人喪身失命師打云這一棒阿誰喫人華居士問聞和尚於此建立臨濟宗旨是否師云是進云臨濟宗旨且置如何是萬峰宗旨師云塔院到此不出半里進云三百年來今日始見作家師打云這一棒教阿誰喫又僧出問向上向下則不問如何是末後句師覲

一撰述

三峰和尚錄卷第二

上覲下進云爲甚解舉不解答師吐舌僧禮拜云今日被學人捉敗師打云這一棒教阿誰哭便歸方丈上堂天上水地下月萬斛天香好時節無數青蒼淡中抹洞庭兩山飛彈出打破佛頭頂上結商山四皓齊喫跌個個兩口無一舌三段老人雪竇翁老僧一棒下風立中郎兒孫賢叔侄被我一問赤骨律南十八北斗七二十八宿右旋列咄我要問他今年洞庭多少橘舍得出與一捆舍不出與一捆道道良久喝一喝下座

壬申元日上堂拈起拄杖云世界濶幾許拄杖濶幾

許虛空長一丈拄杖長一丈百億蓮華丸州萬國五湖四海一切諸佛舍靈都在拄杖子頭上傳心續命被老僧輕輕點一下則虛空雷動大地春生澤國太平聖皇萬壽

上堂以拄杖畫一畫云直截根源佛所印摘葉尋枝我不能且道如何是直截根源底印漁洋山曲鉢孟小鄧尉峰高天壽溪又以杖左右豎兩豎口云種花嫌地瘦汲水問泉遙又以杖橫豎各數畫聨云幽花不待人清夜已開遍第一個字匾擔兩頭尖第二個字剝竿對面豎第三個字一堆亂木和雲貯若人識

得這三個字則世出世間文字一時會盡無文字亦一時會盡佛祖大用俱已了盡豈但超生脫死而已諸仁者還會也無若不會參公

上堂花放屋簷紅山家春信通急磨刪竹剪閑製焙茶籠逐鹿歸蕉北聽鶯過澗東只麼消遣日休問是何宗

上堂古人道諸佛一向淨用故名諸佛衆生一向染用故名衆生師云諸佛空裏漚花衆生水中雲影衲僧門下染淨不收公來無礙語言動靜三藏絕詮瞬目揚眉乾坤失色用之則行舍之則藏彼彼丈夫兒肯甘自退屈隨喝一喝云大家究取

通州諸居士送法被至請上堂以拂子指法被云諸仁者看取若論向上大事如吳門鍼工繡法被相似若於未剪羅段以前向頂門一鍼鮮血直迸忽地翻身作大哮吼頓使天魔外道一時粉骨碎身何等痛快其或未狀不免更著精神裁成錦片上却繡子於密不通風處朝也繡暮也繡要使鍼鍼相對綫綫相連無一絲毫縫罅一毛一髮無容少欠不知不覺爪牙畢具於繡子上突狀跳出一個金毛獅子來便解開大口吐出五色上品蓮花花中顯現諸佛列祖一

齊演說大法頓使四天王天勇力護持諸天天女空中散花供養一切天母各各掬香擎花狀燈灑露獻果如山樂音齊響遂見須彌岌答海水騰波天上天下若風若雷山林草木無有一物不出廣長舌相同事此法令聞者見者一時悟徹盡大地狐狼野干但聞哮吼之聲肝腦塗地永不復生從此正法光騰炤耀末世且道如何是獅子吼吟乃喝一喝卓拄杖下座

上堂舉雪竇上堂云乾坤之內宇宙之間中有一寶掛在壁上達磨九年不敢覩著師喝一喝云推倒牆壁走却達磨寶在甚麼處復顧左右云你看雪竇可是人養底

上堂趙州一飽忘百饑今日老僧身便是橫鋪破席白晝眠起來不管天和地茲因山中絕糧適檀越送米至特請上堂記得年前小除夕一偈百僧饑看老僧關湖自清清嶺自彎厨火宿留無粲粟梅花愁絕滿空山今日復有一偈細雨梅花玉濕枝飽來不覺日長時三通法鼓上堂公說法何曾待所思只此二偈若人不會則說饑說飽說喜說怒便有無量生死如何超得若於此偈直下了却古人所謂以手攀南

撰述

三峰和尚語錄卷第一

三

極回身倚北辰舉頭天外看誰是我般人

龜參僧問喚作竹籠則觸不喚作竹籠則背喚作甚麼師下禪床走兩步云莫怪老僧行步龍鍾僧云意旨如何師云水牯牛大底老虎也打得倒幾個僧不領師云向年撞個師僧來亦曾與麼直至而今總無消息良久顧左右云具足凡夫汰凡夫不知具足聖人汰聖人不會聖人若會卽同凡夫凡夫若知卽同聖人不消拈却凡情聖見寒則普天匝地寒熱則普天匝地熱是汰住汰位世間相嘗住塵塵爾刹刹爾亘古亘今那怕甕中走鼈雖狀如是因甚又往往干

戈相待喝一喝云劍爲不平離寶匣藥因救病出金瓶

上堂未離兜率已降王宮未出母胎度人已畢拈起拄杖云這上座甚麼劫中成佛來僧出衆云容某甲說道理得麼師云大喻三千小喻八百祇要恰這上座意便了僧云拘留孫佛劫中某甲與這上座同參直至而今團不圓分不開無數知識出世例皆懨懼放過和尚明鑑是神通是三昧師云眼若不睡諸夢自除僧掀倒几案師下座顧大衆云三峰今日死中得活便出堂

[標述]

[卷之二]

三

小參溪聲憤怒雨如絲正是山中絕食時三陣普柳
 催接米炊烟依舊不會遲還有終日喫飯不會嚼着
 米底衲僧出來通個消息僧出問如何是祖師西來
 意師云爛熟黃梅落滿地僧云意旨如何師云解得
 調羹味便和一僧出云和尚師無語僧一喝便歸衆
 良久僧又出左右顧視師仍無語僧云滿堂師僧覓
 個會話底不可得師云今日得一個也僧拂袖便出
 師云將謂是德山老漢原來不是便起身歸方丈前
 僧出作禮云適來觸忤和尚師擬拈棒僧又拂袖出
 對侍者云澤廣藏山理能伏豹是甚麼人語者擬議

僧劈口一坐具云這棒合是老漢喫師召侍者云他
 道甚麼者擬舉前話師連棒打趁

上堂問我老僧壽幾許只向道屋上青山庭下對只
 此一句如金剛寶劍萬物攖之卽失原來百味具足
 更無他事了也正如唐堯之世垂衣拱手真爲上古
 之風奈何一句未分未免顚頷儼侗酷如洪水汎濫
 草木繁茂蛇龍爲患虎兕逼人強梗未刪禮義未鑿
 五穀不登未盡其善所以臨濟老人于一句中分出
 玄要賓主等堂奧以至四賓主之主中主如大舜使
 五人爲臣禹疏九河水入大海而天下燥使益掌火

烈山澤而障翳銷驅龍蛇歸海逐虎豹入山狀後誅四兒噬強梗對五穀教仁義洪荒闢而中原爲寶地
葆上古之真純爲三代禮樂之祖究竟看來祇完得個無爲之治而已今人畏臨濟入道之密制汰之嚴便欲抹殺宗旨單行一棒此何異天惡其成地惡其平六府三事惡其允治畢竟要身著箬粟葉茹毛飲血爲墮人之君老僧值禪運式微萬不得已提起三百年不講之絡索以抹法道中洪荒虎兕之敝還有同心共濟者麼卓拄杖下座

石季玉送關帝像入山請上堂豎起拂子喝一喝良

久云十年磨一劍霜刃未曾試今日持贈君誰有不平事喝一喝云此事直須全身鎧甲八面威風大刀飛一片氷花赤馬奮半空雲影於八萬四千魔軍堆裏馘其酋首猶如拾芥具如是操略正好干城王汰震攝魔怨俾天下太平使蒼生安樂還有如是操略者麼出來道看僧纔出師便喝進云是何宗旨師又喝進云單刀直入一句作麼生道師以杖旋風打散大眾歸方丈

上堂茫茫宇宙落落門庭前不見古人後不見來者據個曲角木床日與山花水鳥閑訴衷腸崖瀑案風

据述

三才和合詩錄卷第一

激揚宗旨汝諸人但只耳門有竅眼裏有筋物物頭
頭何非已分以拄杖卓一下云收

上堂唇封兩片皮齒鍵三條楔腦後拖舌頭吐出三
丈鍊一道寒芒射斗牛萬里長江兩岸雪不是不是
一二三四五六七古人曰耳朵兩片皮牙齒一具骨
美則美矣未有師在良久云如何是佛唐相細腰明
儀隱骨如何是西來意三年載一船不是石頭定是
土塊一年三百六十日有五時有九節有六運有七
氣是不是日日是好日以拄杖作釣魚勢云悠悠
漁父詞嫋嫋千尺絲歸來每到月明時小小山矮矮

屋厚厚茆茨寥寥黃犬吠花枝是不是不關老僧
之事會麼顧左右下座

上堂平地上擡腳不起底千里同風眼光爍破四天
下底對面不識信之則有不信則無先佛性命函蓋
乾坤後佛紀綱衆流截斷汝等諸人從年頭至年尾
觸境遇緣迎賓待客著著隨波逐浪德山圓密後生
鉏輩置之一傍自不怪你雲門大師氣宇如王在你
脚底因甚不覺喝一喝云各各歸衣盞下究取

上堂山貢每絕糧供衆無別物一碗恭菜湯百枚蠶
豆莢中間咬得着兩頭清水滴等得一供齋預先支

米喫添却錢一千將就遣今日明朝說具戒未聞大檀越只有蘇二伯一金辦早食三百團頭心心宵相歇也有嫌單狹也有道屋窄入廁無遮蔽上殿怕脚濕聖恩老堂頭丁此好時節譬如歲儉家寒酸遣朝夕突狀請上堂大法無得說盡將家藏寶傾囊都綱出良久乃顧左右云山前山後幾百家家家看爾採新茶老僧住此貧徹骨羸得年年看好花喝一喝下座

上堂僧問山眉卓豎日面輝煌如何是無相法身師云求名雖有據學稼本無田僧云不因漁父爭識充

源師云一身依棹轉雙眼被花迷僧云原來只在這裏師云錯却路頭乃云桃源原只在人間堪笑漁郎去不還貪著故鄉田地好回頭那覺鬢毛斑花灼爍水潺湲兩崖石壁故蒼狀都緣熟路難忘却斷送一生閑又閑

上堂蘇州菱邵伯藕買賣經營隨處走從來主顧不擇人只貴有錢能出手以拄杖架肩云老僧擔一擔子來也足以填饑補渴厭飽諸人當場乞我一文不妨連籃折倒亦免得十字街頭喫筋乞力有麼有麼良久云眼看好貨無人買佳味于今只自知

換述

三峰和尚語錄卷第一

上堂深院桂花殘香風恣狼藉堪憐無目人猶向枝頭覓舉世笑他愚山僧道不必何也合眼避諸塵那怕黃金屑

因事上堂僧問如何是萬峰境師云庭菓色驕秋半雨田禾香落夜深風如何是萬峰人師云從人笑罵任我縱橫人在境中境在人中師云開田說義家嘗話磊石爲龕自在窩向上還有事也無師云一聲孤雁秋空遠無數亂峰寒日斜乃云千峰蒸寒碧生我一片秋逐逐任涼颸來往無依留有時落空谷心與案俱休有時乘殷雷赤日滂遠流或爲石所破裂絮
憐浮游平生得失心付之空悠悠而革體所慕讚毀徒相投胡爲戀戀情語此朝蜉蝣願言微雲根母道風颶颶

三峰藏和尚語錄卷第二 終

三峰藏和尚語錄卷第三

吳虎丘山雲巖寺嗣法門人弘儲記

住蘇州鄧尉山聖恩禪寺語

癸酉元旦上堂拈香畢就座乃云五彩泥牛耕大地
 一犁鋏動天和氣七十二峰如箇生峰頭似草和烟
 細幸勿作西來的大意良久云今日新正元旦特
 特上堂舉揚佛祖因緣用祝聖明山僧到此竭力不
 能贊一詞只得將本色住山語支塞一上品字柴頭
 黃砂罐窄大葉茶香水聲噴噴大家慶賀太平年不
 道是崇禎皇帝底聖力卓拄杖下座

申勗菴居士請上堂非雨非烟山漠漠爲瑤爲玉斜
玲瓏半醒半睡老僧眼對客看花興不同乃拈起梅
花云還會麼風來香在石月上影橫窓放下梅花云
七尺開機席撐天四脚床復拈起花云睡醒信腳出
門去隨路看花繫短裳此是老僧日用事至若求嗣
一句作麼生道放下手中梅花云結得對頭千顆子
遙傳調鼎作金湯

上堂僧問七事隨身便請相見師便喝僧云某甲則
不狀師又喝僧云和尚把定封疆只得別資一路師
云你是不得已也僧擬議師云隨身七事甚處公也

僧又擬議師云八事僧問如何是學人自己師云尋
嘗一樣腮前月僧云目前又作麼生師云纔有梅花
便不同僧作禮云謝師指示師云賺了也良久乃舉
臨濟大師云大凡演唱宗乘須一句中具三玄門一
玄中具三要有權有實有炤有用汝等諸人作麼生
會師隨聲便喝云老漢沒量罪過未能把定要津反
自私通車馬諸兄弟衆中還有捉敗這老漢底麼與
你從長計較父子親其居尊卑異其位西天四七東
土二三鼻孔眼睛總穿向這裏權實炤用貼不上三
玄三要插不入臨濟道底若是向來不解慎初臨濟

道底不是將來尚可護末良久云以智遣惑頗逢下士以智遣智罕遇作家真個東土衲僧不如西天外道便下座

上堂合歡奩李映溪池上下同看一道迷寄語參玄
諸上士頂門迸出是全提有句無句如藤倚對喝一
喝云玄都觀裏桃千對良久云會麼乃舉起拂子對
倒藤枯句歸何處又喝一喝云曉溪流出碧奩花良
久云會麼乃擲下拂子瀉山呵呵大笑歸方丈又喝
一喝云奩花流水依狀在石室深崖不見人

上堂今朝二月十五萬象森羅鼓舞落梅天女散花
迸筍玉麟出土七十二峰頭吼空外之獅三萬六千
頃怒濤中之虎引開雲外幡幢擊動空中法鼓頭頭
劍刃交光處處箭鋒相拄未經開兩片皮人人成佛
作祖蓦拈拄杖云住住還有會得拄杖頭上活祖師
底麼卓一下云山禽歷歷分明道林外春鳩對喚晴
上堂趙州佛字不喜聞老僧佛字亦不惡禪和擔去
問諸方一任讚揚與貶剝良久云莫莫

上堂雲門道胡餅趙州云喫茶一般行貨兩樣生涯
金陵俞道婆撒餅在長街春風細細落藤花漁舟懸
水瓦茆屋傍山斜也勝一疋布三斤麻若人直下會

撰述

三此科印金卷第三

得正是消冰竭水織錦鋪霞刹竿頭上跳蝦蟆以拄杖作持竿勢云七尺絲綸八尺竿鉤頭密意莫顛預衝波忽有金鱗現手撫船舷笑眼看

上堂虛豁希輝荒驚濤捲春雪此中無有人種對採瓜喫此四句內有一句具雲門三句具臨濟三句具三玄三要四賓四主四料簡四喝四炤用乃至無量法門百千妙義無不具足且道是那一句良久卓拄杖下座

上堂諸佛未出世祖師未西來路不拾遺民無天闕一經毘盧園裏妄自稱尊少室峰前猥言傳法射來

一隻蓬蒿箭擾動支那百萬兵有底荷斧擎又有底拔刀揮劍太平草木盡化干戈於銀山鍊壁處重設牢關向栗棘金園邊更掘窖子陷殺英雄平欺凡聖狀此猶有丈夫氣槩可壓諸方近有一輩月黑穿窬背地剽竊只說希圖口腹全狀不顧巡官老僧撞著將來拶出骨髓有甚罪過今日要與諸人向佛未出世已前相見良久顧衆云還識老僧麼

小參千巒陰雲鎖半山巒中開屋向湖山日高未必知長夏慣著輕衣坐對閒良久云汝等諸人見我開口便作說法會且道今日說底是西天法說底東土

汰爭知老僧從無一汰與人狀雖如是且道適纔畢竟說底是甚麼良久云莫道我謾你太煞也喝一喝小參若論此事與老僧住山軌則相似雲水衲子不但與他如兄若弟如父如子卽同一體手足耳目一般與之一生穆穆其間若有絲毫許生風作浪老僧便與他一頓拄杖打出山門與之斷絕若他經久回心再入衆中老僧總已忘却了也依舊如兄若弟如父如子如同骨肉他若又生風浪重與打趁不容溷入後來依舊忘却再入衆中轉見相親毫無隔礙他若更復呈頭露角這一回連前兩度一齊論過細作

一團打成泥塊此回送出千生萬劫永不見面若人會得一生參學事畢

上堂僧問不是風幡動亦非仁者心師今陞寶座端的請教陳師打云不可是這個僧云六祖大師見不及此師云尋思玄乃云風動幡動開眼說夢不是風幡動面生讒仁者心動渾身斷送更提這個將錯就錯六祖大師見不及此且玄尋思雖活如死卓拄杖下座

上堂石壓筍斜出崖懸花倒生分明目前事換却眼中晴

上堂水流濕火就燥各遂其宜虛空跨跳驚得北斗
 南辰七顛八倒玉兔金烏一時失焰獨有山僧冷坐
 傍觀呵呵大笑笑個甚麼笑他向上人未明那一竅
 上堂僧問寶劍未出匣時如何師云天下太平僧云
 出匣後如何師云何患天下不太平僧問臨機一句
 請師速道師云緩緩著僧云甚麼時節放在無事甲
 裏師云幾人得似上座性燥僧拂袖便行師隨後打
 云怕爛却僧問如何是古佛心師云不異今人僧云
 如何是今人心師云不異古佛僧一喝云某甲是甚
 麽心師云狼心虎心僧云錯師笑云錯則不錯承當

不下乃云夫行脚道流要得不落于惡道易事但說
 佛時不被佛謾說法時不被法障自狀到處通變雖
 遇鑊湯爐炭諸般厄難行爲佛事坐是道場障礙他
 絲毫不得隨喝一喝云大衆一時聞麼便下座
 祈雨上堂雲爲心空爲骨興雨興雷起瀛渤不作巫
 山昔日靈爲救蒼生潤吳越喝一喝下座

上堂屋頭問路笑豁鴟吻月下拋磚賺出韓爐老僧
 没這閑心情幹此兒戲事早被晨鐘喚起夜因燭短
 催眠忘却日中一段始知不涉塵緣靠拄杖休矣
 上堂盡力道不得頭上空青濕滴滴通身俱是口萬

撰述

三藏和尚語錄卷第三

頃波光獅子吼旣是道不得爲甚都是口翻轉袋底一齊抖此是有語是無語睢陽姓張還姓許同死同心報大唐萬文明光昭千古只此幾句若人明得許你一生參學事畢

濟廣請上堂青面相逢驀撒沙分明徹困爲君家若能直下頻翻轉白棒掀天弄五花

廣感夢懷疑
師直示其旨

茶話擊竹箆三下云老僧二十年來行棒行喝轉語機鋒偈頌語錄都是本分中出格語狀未是向上實際特爲大衆說破良久云今朝大暑第二日天氣忒炎老僧不若脫下這領布衫遂脫衣喫茶

上堂舉黃檗入供堂于南泉位中坐泉問長老甚年中行道檗云威音王已前泉云猶是王老師兒孫下太檗便過第二座雪竇云可惜王老師只見誰頭利我當時若作南泉待伊道威音王已前卽便于第二位坐令黃檗一生起不得雖狀如此也須救取南泉師云萬峰今日救取南泉豈不聞待心死而伏誅須切用前之炤南泉出馬家之門爲天下宗師爭肩以力服人且問雪竇黃檗下堂便坐第一座于賓主之道爲合如是不合如是

小參六月二十一敎我如何說良久云秋風枕上涼

如拂

上堂經來白馬寺梵語唐言輒作一團僧到赤烏年
湊目昂鼻直是難看以字不成八字不是當頭一個
至今辨論不清說甚大鈔小鈔廣疏略疏若欲決疑
解惑問取阿誰良久云孔門弟子無人識碧眼胡僧
笑點頭

小參僧問如何是密密不傳底事師云著衣喫飯進
云纔有知識便省二事焉得爲密師云中間事作麼
生進云不可無事生事師云你祇解得一半問如何
是佛法至要處師云幸得問著老僧進云請師一言

師云若是諸方倉俗話也進云祇如諸方又如何倉
話師連棒打云更要問問如何是末後一句師云開
口道著進云十二時中如何行履師云動步踏著進
云恁麼則一念萬年也師云近日中峰講筵大開進
云和尚是何心行師云洗脚去乃云大凡出衆切磋
雪竇道得好若未具啐啄同時眼卒摸索不着今日
一期大似機變出于臨時狀亦未是妙圓超悟者莫
謂針不劄風不入佛法便只如此正眼觀來大有事
在

上堂秋山青秋桂老秋風高庭莫掃放下破蒲團秋

撰述

三藏和合金剛大藏經

湖向人好昔日晦堂問黃山谷云還聞木樨花香麼
谷云聞堂曰吾無隱乎爾師喝一喝云是何言歟老
僧昨宵大睡一覺外牀倒裏牀倒枕子是藤白席是
草乃瞪目視衆久之便下座

上堂拈拄杖云當人分上各有與麼事卓一卓云爲
甚不承當放下拄杖云莫是有疑麼良久云咳嗽得
一聲許他是金毛師子

上堂千頃白雲一柄鑊五六年來費開鑿石根鋤得
水一丘迸出蓮花如極樂著青箋剪籬落裙帶豆長
絡索幾度客來呈餽飪也勝披千佛衣坐在千佛閣

良久云秋風寥寥兮吹我屋淨場圃兮受新穀早辦
官租兮省逼迫品字柴頭兮煮萊菔爲君壽爲君福
果狀千足與萬足

上堂要知佛法太處麼乃鼓掌三下云只在這裏良
久云若不如是甚處見他達磨大師便下座

上堂僧問父子至親岐路各別時如何師云到家時
驗取僧云卽今誰在門外師驀起身云老僧得恁長
闍黎得恁短僧云祖師門下因甚說長說短師打云
爭奈岐路各別僧問萬法從心起未審心從何起師
云喚甚麼作心僧云不會師云誰見他起僧云古人

恁麼道師云老僧不恁麼道僧云某甲請和尚道師連棒打云不道不道乃云大智唯心都不緣境當陽直指只在自省喝一喝云會得如矢不會如金

上堂道以無而重道以有而空道不可道而道故脚踏實地道不可言而言故頭頭是本天所以道人者心不藏物口不露字如蟬翼之鳴秋風若堅翅之踞空界故能攬長河爲酥酪變大地作黃金且道如何是道喝一喝良久云蓄得春池滿秋風禾黍香

上堂西來之旨經久事變未及幾代早差一線日過一日豈止一線未審今日有何方便不致此道湮沒

如線良久喝一喝云祇有一法防微杜漸

上堂尖頭茆屋草根香活計全憑折脚鐺野菜和根同哭了盃盃洗刮再商量大衆且道商量個甚麼近年茶價貴客至點蒿湯

上堂舉僧問智門如何是佛門云踏破草鞋赤腳走僧云如何是佛向上事門云拄杖挑日月雪竇拈云千兵易得一將難求師云大小雪竇自甘下劣直得門風掃地奴兒婢子極低下人家也有三兩個便視作奇貨隨喝一喝云是佛是佛向上當時若下得這一喝免見智門話墮

上堂以手自點胸肋云這漢未出胞胎全無縫罅纔生頭角便有聲價施到而今疑者信者充塞天下有者道是甘露滅有者道是小釋迦撞著冤家惡口小家我無飯喫投佛出家我無衣著投佛出家有些伎倆肯來出家喝一喝云說聖說凡說真說假成得甚麼衲僧家便下座

上堂長竹難點天邊月利斧不斬無罪人有甚許多陳骨董爲他閑事長無明臨濟胡亂施張德山胡亂云爲祖宗莫大門戶展轉返不光輝卓拄杖喝一喝云三級浪高魚化龍癡人猶岸夜塘水

上堂人人有雙父母所生肉眼橫瞭面上首羅尊天
豎亞一目在於額上阿那律陀清淨天眼在半頭之
上觀世音菩薩千手眼在八萬四千毛孔上老僧有一
隻金剛眼開在頂門之上乃拈起拄杖云另有一
隻開人天眼日在棒頭上今因上人大慧年躋六十
兩眼失明請說法要願開法眼頓悟大事老僧不待
他出衆問話早與劈脊一棒令他父母所生肉眼瞭
底頸開額上亞豎一眼亦開半頭淨眼亦開通身手
眼亦開金剛眼睛亦開老僧棒頭上眼亦開何故六
十年前是一雙明眼六十年後是一雙暗眼今日令

撰述

三藏和尚語錄卷第三

渠明暗兩忘開佛眼元來盡大地是沙門一隻眼以拄杖卓三下下座

絕食小參生臺鳥雀不聞聲冷冷厨烟白日晴客去愧虛留供誼僧來莫說告單情賒薪已閱樵人徧乞米難敎店帳清自笑住山無道力錯追因果悔前生上堂僧問了未了時無可了玄玄玄處直須呵古人因甚靠此一着如須彌山師云莫亂針錐僧云和尚豈有護惜耶師云肚皮裏休著妄想僧云謹領師云妄想僧問佛是覺義驀豎拳云這個是甚麼義師云撓眸燕子已高飛僧云還知某甲用意麼師云吽吽

僧云不如歸太來葱嶺有人憶師云非惟不識這個亦乃忘却拳頭乃云通褒貶底句諸方學得看窟籠著楔近日罕聞老僧特地折節下問汝等直須當仁不讓良久云見義不爲無勇也

甲戌二月真如回病起上堂雨雨晴晴二月天白牛性嬾不耕田繩牽鞭打今朝起池水猶寒草似烟牛牛長林山迴風颶颶斂尾復藏頭鼻下無繩得自由且道是何人境界良久喝一喝云夫同着時早已過太了也

上堂舉藥山久不上堂知事白云大眾久思和尚示

1 2 3 4 5 6 7 8 9 10 1 2 3 4 5 6 7 8 9 80 1 2 3 4 5 6 7 8 9

誨山云教槌鐘著大衆方集山便掩却門知事客曰
旣許爲大衆上堂爲甚麼一言不施山云經有經師
律有律師爭怪得老僧師驀起身云上來講讚良因
散周沙界便下座

祝髮上堂揮金截斷綠雲根露出冰霜透頂門刀下
翻身直薦取頗狀心了是心存舉水潦和尚隨馬大
師入山搬柴次問著此事被馬大師攔胸一踏踏倒
忽狀起來呵呵大笑曰無量法門百千妙義都向一
毛頭上識得根源去師云今日濟文剃頭老僧用刀
一揮亦便呵呵大笑云無量法門百千妙義都向刀
身便行

口上識得根源公且道馬祖一踏老僧一揮水潦濟
文一同大笑畢竟是同是別若道是同則墮同應三
十棒若道是別則墮別應三十棒若道同別不同別
則爲四墮亦應三十棒還有判斷得底麼問末後周
羅結請師直下截師挺身立地進云未在更道師轉
身便行

上堂諸人未到萬峰將道萬峰有多少禪道佛汰旣
到萬峰原來這老子乃是嘗人旣是嘗人因甚諸方
只是放他不過你看他先德苦切之言實可取信豈
不聞男兒鎖子黃金骨苦痛無明墮汙泥良久云蒼

撰述

三峰和尚語錄卷第三

天蒼天

上堂一實諦中無起滅魯祖長年瞌睡方便門裏有親疏秘魔一向擎杖因言得旨不假外求覩物明心豈緣內省所以觀風化物無一定之機因語識人有差別之智睦州喚僧提一桶水爲山與我過淨瓶來至于荆棘林中紅爛破驢脊上蒼蠅臨濟喝德山棒會得總非死句活人貴在通方韓蘆逐塊非敢望于今日俊鶻摩霄惟貴乘此一時拈起拂子云飽食禪衲試請下語良久擲拂子下座

供千佛衣請上堂壇名多子寧無意自是傳衣佛種

多衣綫下明真切事豈論宮繡有誦訛喝一喝云且道如何是衣綫下事金鍼直下刺意旨問如何紅蓮逆海波還有向上事麼千額珠光寒夜月半肩日色醉春霞會得衣綫下事者出來喫棒問我有一坐具禮千佛即是禮和尚即是師云緩緩向你道進云某甲則不狀師指衣云著得恰好進云且緩緩師良久復舉廣額屠兒放下屠刀云我是千佛一數且道提刀是千佛放刀是千佛若向這裏會得則血滴滴地僧又出師顧太衆云一齊禮拜便下座

上堂今朝四月甲子政說毘尼入敬命婦證優婆夷

乞賜大悲貴胤於其未開口前劈齒一拂子柄以拂
子作打勢云輶下天上石麟贈作振振公姓

浴佛上堂世尊昔日降生指天指地動括十方作獅
子吼盡力也只道得個唯吾獨尊奈值千有三百年
後跨竈雲門劈頭一棒忍氣吞聲從來無人爲之雪
屈今又七百年後萬峰遠孫要斷不平之事亦不得
扶強抑弱直將黃面老子折脚阿師縛作一團打作
一塊推向堂前貴令生與同生死與同死大家無出
頭分諸仁者會麼乃起立澆香水浴佛云須與當頭
一杓惡水且道是不是又澆水云汝等諸人聞此見

此便欲鼓唇喉舌踏步向前問個如何若何我也預
先與你一杓惡水且道是不是又澆水云九龍天外
風雷壯霖霖綑萬國恩

西來羅漢請上堂十萬里來不說一字依稀像達磨
彷彿同真諦芭蕉柄上書梵字蝌蚪蟲文不相似拈
起○相問伊又手睜睛直示老僧點頭道從前不是
這回恰是問大衆是不是良久云寧說阿羅漢有三
毒不說如來有二語便下座

上堂萬峰有條鍊門限盡大地人跨不過好笑街頭
石敢當也學橫身礙行路山僧偶爾經過向伊道却

兩錯這廝滿面慙惶不覺入地三尺合眼揚聲大叫
痛罵於密老賊飯米既用剛砂門限何消生鏹老僧
夢中聞得翻轉個身來道你也說得是你也說得是
狀更有一句你還知也未縱饒折却鏹門限無數人
死向平地卓拄杖一下

圓戒上堂靜主達賢住此山有年破屋半間蓬塵積
尺行鍋無益黃盃不全或七日忍饑或逢緣一飯口
如木突衣若鶉懸會圓具于先靈谷和尚茲復請說
菩薩戒法謹白問如何是釋迦如來口放戒光師云
風爲掃地使月作點燈娥進云如何是孝名爲戒師

云竈裏生青草鍋中叫碧蛙進云如何是亦名制止
師云忍餓長盤脚開齋過別峰進云如何是向上一
句師云速道速道問戒光頂聚輝千古觀面相呈事
若何師云與我過盃囊來進云衣文結角交加處明
眼緇流失却真師云二十五條拖著地進云滌盡無
餘存潔白戒珠爍爍黑光寒師便打進云未後令行
尊貴旨棒頭有眼炤人明師直打趁

龜參未舉時逼塞虛空已舉時虛空粉碎將舉未舉
之間虛空在甚麼處一僧答和尚虛空則不問如何
是那邊事師云喚波月落水天黑夜半漁翁正睡濃

機述

三藏和尚錄卷第三

進云如何是這邊事師云東方日初出牧子過前坡上堂穿窬牆壁盜竊金珠雖狀兩手擎來其奈人前難用卓拄杖一下云老僧今日將諸人自家寶藏直下打開衆寶爛狀光彩奪目連得便行更須炤顧脚下躡腳不進真成蹉過目前不消滿面添慙只貴通身是膽至若懷寶逃邦他鄉醉臥總之自甘餓殍又爭怪得老僧靠拄杖下座

上堂僧出問如何是應物現形師云月落三更黑潭

烟冷如何是全體作用師云三峽奔騰長江萬里如何是機權喜怒師云笑裏有刀刀頭有蜜如何是或現半身師云昔年想是曾相見杏花村裏矮牆頭如何是或乘師子師云牙如利劍口似血盆如何是或乘象王師云四步蓮華六牙音樂僧便喝師云我則不狀僧又喝師無語僧云雖狀如是和尚已喫三十棒了也師打云且道是你喫是我喫僧云某甲罪過便歸衆師便下座

小參月之晦要見月光今夜會石童木女忽相逢三更彼此摸著背笑呵呵快不快雲抹石風梳對分明道著生平事一道嘗光永不磨兩眼明開黑漆地司李黃海岸居士到山請上堂士出作禮云弟子黃

端伯久仰和尚人天眼目佛祖爪牙請和尚爲大地衆生點出師以拄杖作點勢士云未到萬峰不妨疑著師和聲便打士擬接棒師又打士云和尚只有弄乾棒手段師云老僧罪過士禮拜歸衆師乃云未後一句始到牢關把斷要津不通凡聖且道如何是萬峰底末後句喝一喝卓拄杖一下云花知人韻倚窓笑石愛風清傍水蹲下座

上堂一句中具三玄相對語喃喃一玄中具三要虛空放出無毛鵠有權有實當面著賊有炤有用一齊斷送汝等諸人作麼生會從前意氣都銷落懶向長安舊路行

上堂舉昔日馬大師違和院主問云大師今日尊候何如大師云日面佛月面佛山僧今日不快大眾問曰和尚今朝體氣健否老僧答云黃泥竈磑磑復有偈曰日面佛月面佛六月晴空三尺雪黃泥竈磑磑竈雪白吳綾一片皂若人會得這兩句則不但馬師無病抑且老僧無病大地衆生無病若人不會錯去齋佛齊竈老僧今日說破省得臨濟祖師齋竈齊佛求天禱地良久喝一喝下座

翹參僧問如何是接初機底句師云日日香花夜夜

撰述

三峰和尚詩錄卷第三

燈如何是辨衲僧底句師云有語非干舌無言切要辭如何是正令行底句師云可憐門大開而人不能入如何是定乾坤底句師云二時展鉢開單逐日屙矢送屎僧作禮云若不如是爭見萬峰師云老僧總理會不出·

上堂以拄杖揮空大喝云打破太虛空迸出金剛骨拈向諸人前通身赤骨律碧澄關主昔曾就正於安隱堂前今朝始見你轉身撇脫且道得力一句作麼生道喝一喝云萬峰千丈崖頭一片白雲裏石上堂僧問過去未來則不問如何是現在一句師云

舌頭不出口僧云而今出口也師云此是過太事僧云再請和尚道師云未來莫妄想良久乃云現在與麼道未來莫妄想過公已過太更討甚伎倆要踏向上關喝一喝云卽此樣無別樣

普請上堂若論此事如萬峰普請刈稻相似各人揀定六處把定根苗將極快利鋏一截使六根頓斷務令兩橫一交兩交一束亦有三鋪六橫一切諸法無不具足第一日一齊俱倒第二日輪衆巡看第三日席捲登場登時打下狀後暴之以驕陽颺之以晴風礪之礮之篩之扇之實於倉廩先將一半貢之朝廷

次以一半供之大衆所謂君臣道合賓主協和便是這個道理也諸人還會麼乃作刈稻勢便領衆入田上堂畫裏身心問有無死生勘破髑髏枯敬將一幅西方境換太關山積雪圖孝子鄒瀾鄒深爲薦先考來周府君入山禮懺諷經飯僧施食請老僧上堂說汰老僧無法可說不免借坡拜婆對景掛畫來周居士生平嗜好衡山先生手作開山積雪圖今攜焚化靈前作掛劍故事老僧展卷對大衆謂來周居士靈几道衡山先生未敷紙未染筆已前還有心否旣敷紙旣染筆布盡千峰萬壑於無何有之鄉還有心否

若有心且道心在何處峰巒起伏澗峽回盤還有土石否形雲漫漫積雪漠漠還有濕冷之質否窓枯露鶴竹倒橫門茆屋如堆柴門略見果有此界否寸馬豆人紅衣烏巾如飛如舞果有生氣否片紙不加放筆無跡還有畫者否于此覩得破視得透始知衡山先生不會畫古董架上無此卷真心不會動一絲毫皆從妄識上變現幻中之幻而來周居士生平嗜好之心置於何處心旣無處則昔何以生今何以死旣無生死則何苦何樂何罪何業何從牽糾何從解脱是知有非實有則知空無可空老僧今日對衆將衡

撰述

三峰和尚語錄卷第三

三

山來周兩居士有心無心是境非境一時卷在玉頭
軸裏送在靈前紙錢堆上一炬燎却來周從此脫狀
不爲境累不爲心移不住娑婆不居極樂于無所住
處不知不覺冉冉地青蓮襯於足下寶對森于目前
珍禽和鳴螺噴交作白毫光內彌陀顧問云你看是
何境界于此譬如悟得無生法忍佛爲摩頂補處稱
尊一期大事直下了畢正恁麼道時忽有個撐眉督
目初參後生躍出大呼云和尚如此說話令人向西
背東著淨厭穢學人今日亦將和尚并所說法卷在
軸裏送在紙錢堆上一炬燎却免得後人隨語生解

師作吐舌勢云老僧不覺吐舌下座因甚如此有前
沒後政要他新出來漢子得些便宜後來好做語錄
上堂開眼紙窓紅被底如春熱兒童請拈香道是我
生日和南禮佛陀烹蠶普麪喫摩挲飽後來同太放
生物鳥飛飛魚鱗鱗一場好快活張七郎十六七舉
首山問僧近離甚處師云卽鹿陳虞僧曰襄州師云
雲山健足山曰路上會逢達磨也無師云三重胥十
字縛僧近前不審師云猶有商量在山曰這個是驢
前馬後底師云急僧曰和尚又如何師云翻轉網袋
山曰井公境界且坐喫茶師云頭角崢嶸原來是後

概述

三峰和尚語錄卷第三

園山子上底僧纔坐山又問在甚處過夏師云道過了也僧曰石門師云襄州過來真不少山曰水牯牛安樂麼師云達磨騎公了也僧曰及時水草師云逢着關尹稽首和南山曰爲甚傷人苗稼師云和尚莫作驢前馬後漢僧曰對和尚不敢造次師云猶要呈頭戴角在山曰放過卽不可便打師云首山也無大人相山作綱宗偈曰咄哉拙郎君巧妙無人識打破鳳林關著靴水上立師云屐齒上磚堦咄哉巧女兒攢梭不解織看他鬪雞人水牛也不識師云風吹羅帶緩背陰山子向陽多師云蛤蜊裏四面觀音南來

北往意如何若人問我西來意東海東面有新羅師云縱饒三頭六臂無出頭分便下座

勦參舉僧問長慶鑑羊未掛角時如何慶云草裏漢僧云掛角後如何慶云亂叫喚僧云畢竟如何慶云驢事未了馬事到來雪竇拈云寧可碎身若微塵終不瞎箇衆生眼長慶較些些子復云一般漢設使鑑羊未掛角也似萬里望鄉關師云雪竇大似已無日而廢天下之視長慶盡力只要赴他來機全不顧言之滲漏天下豈無作者設有問三峰鑑羊未掛角時如何云有這畜生掛角後如何亦云有這畜生云畢

竟如何狀後緩緩向道寧可碎身若微塵終不瞎個衆生眼饒他生殺古今底雪竇也只似萬里望鄉關草柱杖下座

三峰藏和尚語錄卷第三 終

三峰藏和尚語錄卷第四

吳虎丘山雲巖寺嗣法門人弘儲記

住梁溪龍山錦封禪院語

上堂九龍山高芙蓉水涸覲面相呈切勿卜度猫有七尾鼠生二角事不厭精何妨摸索但摸索勿卜度張姑李嫂共扶持良久云噁何故吟對底寒風貝錦飄案頭細雨空青落

上堂有法無法筆蘸虛空畫菩薩阿耨菩提無位真人是甚麼乾矢橛然燈佛與我授記以空印印空印水會麼風車爲口簸箕爲舌金剛般若波羅蜜若欲

興滅

三國志譜錄卷第

道此者舉一不得舉二放過一著落在第二會得出來相見若不會且俟來日

上堂喝一喝云唵薩婆囉罰曳數怛那怛寫良久云
未得微霜菊早香又喝一喝云唵悉殿都漫陀囉跋
陀耶莎訶良久云山河大地變黃金又喝一喝云唵
折隸主隸準提莎訶良久云相逢盡是陶彭澤瓢下
慙無大道漿

上堂今朝十月十五枕上翻身鐘鼓聲聲敲破髑髏
句句打翻佛祖臘臘從地醒來便解奮槌如虎金剛
揩泥神肯翁仲從旁叫苦一二三四五天上太挑土
剛王寶劍截天截地始得和同隨喝一喝下座

上堂抹殺汰中英雄者爲其能以舉一爲用也驗盡
法中英雄者爲其能以大機爲用也奪盡汰中英雄
者爲其能以抽爻遜位爲用也謾盡汰中英雄者爲
其能以前定不滿爲用也

諸方目爲
四殺雄

翌日諸護法舉近日北禪寺迦葉尊者瞬目龍山出
四雄玉兔爲付汰之祥請上堂四雄玉兔出龍峰泥
塑頭陀亦眼紅拂子四枝分付太好花何地不春風

下座

上堂心無起處原無事念轉非情運六通雙足不知誰是主看山踏遍白雲中且道如何是脚下事以拂子擊桌云紅葉投空錦清泉擲地金

小參七尺綵綸八尺竿年年月月釣清寒魚龍蝦蟹無尋處半夜寥寥月一團卓拄杖休太

上堂自從踏斷葛藤窠三量紛飛脚下過昨夜相逢談道者聲聲怪我沒家婆且道老僧有妻沒有妻若道無妻又言汝喜以爲妻若道有妻又道畢世同衾不共枕所以云汝喜以爲妻無明以爲酒嗔來哮吼

躡猿狹不學今時醉顛走

小參不得有語不得無語嚼砂彈折當門齒離鉤三寸劈頭撓兩岸桃花一溪流水踏翻舟子千秋死
上堂昔日臨濟大師有四喝有時一喝如金剛王寶劍有時一喝如踞地師子有時一喝如探竿影草有時一喝不作一喝用山僧今日只有三喝有時一喝巍如泰山北斗有時一喝明如曉日晨星有時一喝夢醒如前日昨日乃豎起拂子喝一喝放下拂子
勗參佛口裏磚磚一堆拄杖中舌頭三尺踢倒淨瓶贏得爲山猛虎當路卽住黃檗會得者出來相見

一撰述

三藏和尚詩錄卷第四

三

上堂僧問不與萬法爲侶者是甚麼人師便打僧云
 祇如馬祖道待汝一口吸盡西江水卽向汝道又作
 麼生師云文彩全彰僧問十七十八因甚道着卽瞎
 師拈竹箆云喚作甚麼僧云十九二十爲甚人信不
 及師打一竹箆云信得也未僧擬議師叱云擬胡餅
 裏呷汁那僧問臨濟綱宗畢竟是有是無師云你見
 老鼠偷油麼僧云不會師云猫兒來也僧网措師笑
 云臨濟綱宗是有是無僧一喝師云錯口道着乃云
 斬釘截鐵此日諸方共用平高就下當年老宿不狀
 禪和家背地裏絕有商量因甚一衆人前全無消息

良久云咄也得三文買草鞋

上堂天地與我同根萬物與我一體茫茫匝地普天
 清淨法眼着翳法身主鬼盧師有何方便道一句子
 不致閻浮提人棄却甜糲封沿山摘醋梨喝一喝下
 座

至前上堂羣陰剝盡不止于坤以其碩果不食也一
 陽未生不生于盡以其來復不遠也故入無量義大
 定而不冥入刹那際三昧而不斷真實空而不空真
 實不空而不有此政今夕一陽未生之候應如是生
 清淨心乃喝一喝云此是明日事

晚參以拄杖畫一畫云畫水成乾路飛虹駕石橋不勞些子力廿一是今朝步步踏着處處逍遙添取銀膏徹夜燒

上堂蘇州有嘗州有不是驢脚是佛手更問老子生緣請君面南看北斗蒼蠅偏向臭邊飛蟻子慣尋腥處走開浩浩處閑浩浩冷湫湫處冷湫湫若得二途俱不涉不風流處也風流

小參舉鴻山有句無句如藤倚對師云會麼喝一喝云鐵牛頭角太崢嶸露處纔翻失太清頭尾縛來成一片紙猊火裏大揚聲若會得則入佛入魔天上人

間如意自在以拄杖卓三下

上堂山僧三十年前也曾見神見鬼如今年深月久總忘却也但得輕衣一片飽食三食童子揶揄禪人相撲讚之或喜罵之或怒而已若道曹山有尊貴旨訣切莫聽他這樣說話

小參僧作禮云石霜有頭尾話答和尚如何是頭師云鼻端藏四海雙角直撩天如何是尾師云卷到潭深處三冬月色寒如何是頭尾相稱師云通身雷送九天雨流出桃花萬壑春僧作禮師直打趁小參轆軸耳朶簸箕口問着向南却北走德雲不在

撰述

三峰和尚語錄卷第四

五

妙高山文殊獅子却是狗

小參舉夾山參船子話畢乃云一橈落水踏翻舟滿目蘆花兩岸秋昨夜華亭還說法雨餘新浪向東流師到嘗州廣福院請上堂頭上蔚藍天欲滴脚底白雲千萬尺手中拄杖腰下瓢去去來來無順逆好消息踏破草鞋雙腳赤三頭九臂腦後睛日日相逢不相識且道是甚麼人他與地平磚同胞本無庶嫡還會也無舉僧問趙州狗子還有佛性也無師云趙州只解四蹄上立柱不解狗子背上踹櫈山僧今日向狗子背上踹櫈去也揮拂子云喫下座

住杭州淨慈寺語

上堂拈香云一縷蒼烟祝聖明九州四海盡昇平南屏老漢閑無事白棒掀天破死生乃就座劉長倩居士出云兩峰雲起蒼烟迴一道湖光玉鑑懸領取眼前玄要句墜輪尖上吐香烟師便喝士拈香云這一瓣香爇向爐中供養本師堂頭和尚伏願開頂門眼揭肘後符逞獅子之全威現大人之作略且道機先一句作麼生道師合掌云南無無量壽佛士又炷香云法界普熏無罅縫灼破毘盧老面門師便喝士禮拜師以拄杖輪揮八面卓三下云若向這裏會得如

揮劍當陽一條血路彎弓天外九中紅心正好出來
 與老僧相見僧出云一箭中紅心請師高著眼師回
 頭問侍者進云機輪轉處作者猶迷師云你轉轉看
 進云九鳥射盡忘俱喪鋒鏑銷爲日月光師連打三
 棒進云今日痛領三棒只得作禮三拜拜起以手畫
 一畫云這邊且置一劍當軒來時如何師又打進云
 一柄干將劍惟師用得親師不語進云這回和尚正
 哭三棒師又不語僧便禮拜歸衆長倩居士復出云
 今日和尚全身出現諸人仔細着眼遂出法堂師便
 下座

上堂今朝十月十二雷峰塔指淨慈寺千嶂霜楓列
 錦屏各人無位真人何處良久云因鬍張三黑李
 四復云言無展事八八六十四語不投機溪西鷄齊
 啼承言者喪燈蛾撲油上滯句者迷落水踏深泥若
 人緇素得此等語出如生龜筒裏抽身化成堅翅鳥
 扶搖九萬里擘海直取龍吞博地凡夫立地成佛此
 正古人所謂接初機底句今日特地拈向諸人會得
 者出來道看長倩居士纔出師云如何是接初機底
 句士云幸喜西湖今日晴如何是轉身底句士云還
 見四山紅葉麼師打云這裏會去始是轉身句僧纔

一 捷述

三峰和尚詩錄卷第四

出師云我不問你接初機底句僧便喝師云爲甚麼便喝僧又喝師云三喝四喝後又作麼生僧禮拜師云向道從來不會見矮子成佛下座

上堂舉永明壽禪師云孤猿叫落中岳月墮客吟殘半夜燈此境此時誰會面白雲深處坐禪僧僧問如何是永明妙旨明云更添香着僧云謝師指示明云且喜沒交涉僧禮拜明云聽取一偈欲識永明旨門前一湖水日炤光明生風來波浪起又問學人久在永明爲甚麼不會永明家風明云不會處會取僧云不會處如何會明云牛胎生象子碧海起紅塵師云老僧則不狀乃云案影落殘崖際月煤花燭盡佛前燈禪衣破薄不禁冷多少依依暗裏僧若有人問如何是南屏妙旨向道晝夜一百八若言謝師指示向道串斷了也待他禮拜起亦示一偈欲識南屏旨山頭雲乍起一縷入錢塘微茫作海水若問學人久在南屏爲甚麼不會南屏家風向道宗鏡堂前霜葉乾若言如何會取向道鐘過千佛閣墻下萬工池永明大師恁麼道南屏老人恁麼道且道是同是別莫有判斷得出者麼道道

佛曰金汰師送準提鏡至請上堂威音王未出世已

一
接述三
利誡詩金石錄第四

前山僧與法主同時現大月輪相中間阿字嚙嚙吽
 吻雙隱雙現賓主對談闡大法要度人無量所以世
 世生生同出同興共扶此事或現漢月或現佛日心
 心相炤今日法主說法茗上老僧掛錫南屏法主仍
 現大圓鏡智來我雷峰塔前請說大法山僧不惜四
 面十八臂大逞神通只是今日頭痛不能爲汝說以
 拄杖擊鏡三下云日面佛月面佛僧出覆却鏡子師
 又擊鏡背三下云唵啞吽喝哩下座

上堂稽首和南別永明疏林一葉脫南屏翻思圓炤
 靈岳公多少英雄繼此燈雷峰塔不勞指點慧日峰

一任將迎都是最後大事切忌心下惺惺良久喝一
 喝云輕舟自傍六橋去一片寒湖山影青

住秀州真如寺語

上堂拈香云名香貢猊座凝萬壽于至尊寶篆結龍
 雲蔚勝祥于魏闕萬福獻內壺之吉千秋藹東宮之
 春闔朝簪笏進道階而登高階四海蒼生樂盛世而
 超出世共躋仁壽咸沐昇平今日請主大理朱公外
 護汰門內崇道德福增高奏位轉天衢閩郡薦紳諸
 山碩德頓明綱要密運權機推廣化之神佐聖明之
 治本山長水法師彩雲和尚聆磬音而出定弘大汰

于將來此一瓣香耑伸供養天童老和尚用酬法乳
 維那白椎云汰筵龍象衆當觀第一義師云長水門
 前長水達彩雲堆上彩雲生二師法道重新舉寶壇
 風高驟午鈴會得目前古趣者出衆與汝證據問彩
 雲片片趁全提長水滔滔展大機且道如何是彩雲
 片片趁全提師云鐘聲出水重進云如何是長水滔
 滔展大機師云幡影落波輕進云八面玲瓏無縫罅
 卓午浮圖頂日輪是長水家風是彩雲境界師云門
 開橋接路對老綠苔生進云和尚今日如是舉揚如
 是拈提與昔日長水彩雲是同是別師云一時三頓

棒骨癢尚嫌輕進云一句了狀超百億粉身碎骨亦
 難酬師打三棒下座

朱大理廣原居士薦親請上堂豎起拂子云會麼有
 無雙絕淨穢兩忘向太虛空裏突狀翻轉如雷如霆
 如日如月如走盤珠的的轢轢宛轉橫斜橫出直入
 何等自在所以朱大理向竹籠話上兩處不得四句
 不得千不得萬不得不不可得不可得於銀山鐵壁處
 突狀翻轉如雷如霆如日如月如走盤珠的的轢轢
 破盡生死凡聖是非超狀自在只今先太僕先淑人
 亦向太虛空裏突狀翻轉如雷如霆如日如月如走

撰述

增利説金卷第四

盤珠的的爍爍於淨蓮華中自繇自在一時成佛盡
 三界十方一切聖凡有情無情亦向太虛空中突狀
 翻轉如雷如霆如日如月如走盤珠的的爍爍自在
 取證卽如大理堂上架一座大天平不許他低昂輕
 重務使天上針對地下針地下針對天上針針針相
 對以手作對針勢云令此天地心一綫逼直無有傾
 側遂使大明國裏君君臣臣父父子子一道同俗坐
 致太平諸仁者要知大理二尊人立地成佛底消息
 麼出來道看僧問生生死死去來忙一擊翻身頓歇
 狂醒轉不知天早晚一輪紅日炤西方如何得一擊

翻身頓歇狂師云蓮華出水波濤涌進云如何是一
 輪紅日炤西方底事師云迸出蓮胎見佛光進云和
 尚與麼告報善則盡善美則未美學人則別有長處
 師云如何是你長處進云優曇初綻遍界藕花香
 師打云也少不得這一棒所以如雷如霆如日如月
 如走盤珠的的爍爍何等自在良久云若於此會得
 何等直截撥著便能作大師子吼遂令百獸腦裂飛
 鳥墜潛魚躍且道如何是師子吼便下座

蔡大參維立居士薦母請上堂揮拂子云暝狀一長
 睡恰在蓮華裏摩娑睜眼開佛光眉際起寶林風琅

瑞直貫虛空耳頓悟音圓通豈但見自己突兀得大
用打破當年體遂喝一喝云若向這第一喝上薦得
則東土堪忍世界一切有情無情種種苦境一時打
盡脚下蓮華現出西方清淨境界諸佛菩薩同時現
前令徐宜人立地成佛又喝一喝云若向這第二喝
上薦得則西方極樂境界一時忘心泯性在蓮華上
寂寂落落熙熙皞皞不知淨土爲何物令徐宜人得
大自在再喝一喝云若向這第三喝上薦得則東土
變爲西方西方變爲東土淨穢齊泯凡聖俱忘一時
三變令徐宜人從蓮華中定起分身無量國土說大

法要廣度衆生各各一時成佛無少無剩且道以上
三喝所說何法便能令徐宜人捷得如許大効禪指
之間成佛作祖行廣大利老僧還有所說麼若道有
法說說個甚麼若道無法說盡情與你說了也所以
世尊降生指天指地是說此也臨末稍頭棺露雙趺
是說此也拈花示衆迦葉微笑謂之世尊不說說迦
葉不聞聞至於歷祖句句皆狀而船子云離鈞三寸
子何不道鴻山云有句無句如藤倚對雲門謂之函
蓋乾坤句華嚴教謂之句中無意意在句中皆示大
用之句意也若能如是大用現前處處拈出金剛王

撰述

三藏科開金鑑卷第四

寶劍直下如將一座泰山輕輕壓去更有甚麼出現隨大喝下座

元日朱大理請上堂拈香云甲戌春王第一朝殷勤百和爇蘭椒聖明壽比諸天象歲歲昭回運斗杓就座乃云坤以簡能乾以易知如獅子王奮迅威獐若大白牛肥壯多力有時雲裏高眠一任長林豐草自在供輸有時日邊哮吼盡使狐狼野干掃踪滅跡此皆從立命得來綱天之力佛祖得之而法王三千聖人得之而教化中國老僧得之而逐浪隨波大理得之則致君澤民卽今壽躋七十於從心所欲不踰矩

處出處安舒自在無礙且道他獲無量壽徵從何處得來喝一喝云略與諸人通個消息

住棗陵聖壽寺語

葉侍御慶繩居士請陞座拈拄杖打地一下云此一棒自黃檗大師處建立從天童和尚處印來捏太虛爲金槌拋熱鐵作文字渾身虎口偏體獅牙坐斷臨濟命根翻轉大愚面目所以我師天童和尚得此一棒遂能打天打地爲電爲雷將南國打作選佛場爲後人碗成出匣劍復打一棒云山僧得此一棒不但裁長補短抑且削濶就狹重新入爐入火益見爆天

60123456789

爆地從黃檗處打下火烙印子於臨濟邊突起錐上
剛砂一句中具三玄一玄中具三要破盡一棒一喝
之實汰打開囫圠孤硬之見功務令炤絕權忘名離
用起石人頭上泚汗白牛角上生風幽鳥啼入亂雲
有耳者未必能聽神龍深藏黑水具眼者徒費仰瞻
翻近世難知警諸方不可復打一棒云前一棒後一
棒威音王前摸索不著樓至佛後休歇未到得此方
謂之一棒不作一棒用末後一句始到牢關把斷要
津不通凡聖方是安身立命處大作大用了不可得
底實受用田地方真到黃檗臨濟天童一輩大善知
看取

吳江章邑侯敬明居士請上堂臨濟一喝能殺能活
能縱能奪爲忠貞爲惠存著著坐兩頭而獨用其中
以之則無咎無墜處處截言詮而確慎其餘因之則
惟堅惟貞用宣道化用拂仁風智如圓鏡定若平衡
臨機發用無毫髮輕重偏邪之差包裹乾坤有直統

惟天惟命之作一喝之至約推拓之無窮僧得之則握接物利生之權俗得之則掌平天治國之政且道卽今邑侯得此又作麼生喝一喝云只有天在上更無山與齊

周居實居士請上堂問答畢乃云老耆翁近八十叅得禪不賭說只向溪邊放白牛兩岸梅花捲曉雪夜歸來戴微月不脫衣睡得徹不道天何物明朝依舊日頭出切莫認作自在受用禪亦莫作會得解註說喝一喝下座

上堂如何是西來的的大意鶴舞花陰地如何是佛舌根生白拂那有這様事石頭迸出黃金汁因意旨問如何獨脚鍊釘靴水山頂上立兩頭拗中間折九八十一喝一喝云若不會下個註脚細細綠陰鴉尾短深深古木落花多老僧髮白齒牙嫩湯飯時時愛軟和

上堂露柱久已懷胎燈籠昨夜生子眼光爍破四天下口門中央闕兩齒不因觀音妙智力那得端正有相至于此老僧住山年已久盞袋空空少人事考鐘伐鼓急升堂特地殷勤爲助喜喝一喝云鳳凰不是人問物爲瑞爲祥自有時不煩久立春寒衆慈

撰述

上堂如何是西來的的意稽首和南齊著地如何是
向上一門那個爲官不戴君還有受用也無春風花
亂競提壺恁麼則通身尊貴去也沙水螃蟹橫是蟹
此四句一句是佛一句是祖一句是老僧一句是大
衆若人緇素得出許汝一生參學事畢何故吟盡道
洞庭如錫笠春風亂挿滿頭花

上堂舉德山踞虎頭收虎尾第一句下明宗旨師云
還有道得者出來道取僧出師問如何是虎頭進云
春至百花開如何是虎尾進云秋來盡落葉如何是
第一句下明宗旨進云雙龍入海無消息直至而今
嘗相憶師云三十年後則不問三十年前一句又如
何僧便喝師擬打僧拂袖歸衆良久復出以手連畫
兩圓相○師展兩手於空中僧又作一圓相○師以
兩手背交其指僧又作○此相師揀手案几上僧點
頭三下師便下座

上堂一九二九黃龍翻出兩隻手兩人合得百十八
額頭迸眼是菩薩過去心不可得樹上晒麻無反側
未來心不可得萬里流沙如麪黑現在心不可得今
日正天晴處處花柳色咄抽太乾上九畫長坤下畫
周太嘗季華率令子安期安仁安石請陞座喝一喝

撰述

三國志 卷之四

云春風不貼肉又喝一喝云曉起略添衣又喝云偶爾移鞋去寒吹半面皮若人會此三喝便會得此三句會得此三句便會得此三喝會得也成佛不會得也成佛何故東土西天兩脚踏斷佛與衆生不勞思笑十年黑暗一旦逆開赤日金波蓮花出現喝一喝云一聲漁父歌聲斷烟水茫茫十萬程

解制上堂牛在山中水足草足牛出山中東觸西觸山僧則不狀牛出山中東城西郭牛在山中南谷北谷若人會得兩轉語則禮拜如菩薩踐蹋如糞土不妨隨人起見處處爲緣良久云會麼嫋嫋長鞭著地

拖半肩疎雨掛春蓑自從赤腳騎牛去只唱山中放牧歌

回聖恩寺語

上堂磊磊落落山上石奇奇怪怪爛邊案悠悠颶颶空中絮急急寬寬寺裏鐘此四句內有一句推不向前約不退後有一句披烟嘯月攬霧擎雲有一句自西自東自南北有一句本無踪跡豈有名言復云說也說了注也注了若人會得正是無事生事若人不會一任縱橫撩亂公誰能勞力强安排
上堂一機一境捱不入三要三玄擘不開出身白汗

60123456789

80123456789

撰述

三才和尙金鑑卷第四

過這邊來中也養不中才也養不才豈是三峰沒意
智終朝嚼飯喂嬰孩黃梅舊有不平事至今遺累生
疑猜菩提樹明鏡臺果是宗門椿禍胎

上堂僧問如何是最初一句師云下床踏匾蒲鞋口
僧云如何是不動尊師云朝到西天暮歸東土僧云
如何是透浹身句師云天晴道路乾僧問有問有答
賓主歷狀無問無答時如何師云賓主歷狀僧云有
問有答時如何師云現在可驗僧問臨濟喝德山棒
明甚麼邊事師云明祖師西來底事僧喝一喝云明
甚麼邊事師便打云明甚麼邊事僧擬議師云臨濟
德山吟僧又擬議師連棒喝云只在這裡良久顧大
衆云人間天上諸知識爭似三峰用得親

上堂良久云適來一設公案還有人舉得麼復云設
有人舉又使甚麼人聽既無人舉又無人聽山僧不
妨自拈自丟去也乃擲下拄杖云竄向當陽風凜凜
喪身失命是何人

上堂三峰個村僧凡事盡認真頻搗塗毒鼓要使人
人聞諸方老禪伯各各起怒嗔橫闢了豎闢遠近咸
喫驚餽你大有力難抹祖師心人情有生滅毒氣亘
古今奉勸善知識夢裏須惺惺卓拄杖一下云聽

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

上堂僧問如何得不落數量師云竹杖量來難到頂
僧云恁麼則古今不易也師云念日脚漢有甚長處
僧問雲門花藥欄意旨如何師云直須連夜發莫待
曉風吹僧云逐浪隨波蒙指示斬釘截鐵請敷揚師
云休屎沸乃云彌勒未生釋迦已滅佛法何嘗付人
盡學猪偷狗竊雲門餅真個熱大趙州茶殊少斟酌
德山棒只顧行兇臨濟喝全狀尚氣逼得王老師立
地賣身寶誌公無端努面這一隊漢惡賴難名不中
相與爭似山僧不入這保社

上堂乾坤之內宇宙之間中有一處無人能到日月
炤臨莫及雨露滋需無從登須彌頂不足瞭遠入金
剛際未合窮荒山僧指汝諸人個捷出泥途一踏便
到底徑路行與不行總與山僧無預乃拈拄杖畫一
畫云上乘菩薩信無疑中下之流豈能測

上堂露柱腳跟穩密燈籠眼界光明閑徧五湖禪客
握手盡作黃金幕狀枕子墮落壓殺堅牢地神一向
點胸點肋到此漫不關情山僧真實相告又道平地
陷人喝一喝云海枯終見底人死不知心

上堂僧問如何是一句底主師云春色滿園關不住
僧云如何是一句底賓師云一枝紅杏出牆來僧云

9 60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

三才和合詩錄卷第四

如何是炤師云燈籠掛露柱僧云如何是用師云拍板合門槌僧云謝師會話師云有甚虧缺上座及早說良久乃云菩薩行于非道是名通達佛道如三擎今日隨機赴感不肯露布風規建立宗綱務須脗合法印欲異諸方玉帛從事如對桓文而談堯舜夢也不敢望你做卓拄杖下座

上堂一人所在須到半人所在須到但得針芥相投自狀隨緣得妙因地而起原因地倒果狀踏著向上關爭肯沿途入荒草

上堂剔起燈來是火力用須知徧普變生作熟只些

些續燄聯芳殊可可花總是一葉分其五跨聖凌凡超佛越祖釣竿仍藉百尺絲發機必假千鈞弩喝一喝下座

耳圓闍黎五十請小參五十要知天命抱却鍊孟安木柄求和尚說心地法緊緊皮靴又套毛鞍昨日喫齋今日小參空令饑腹長心貪老僧還有佛法說麼夜來千嶂雨流出一溪寒且道闍黎壽量多少山溪不解人間事歲歲梅花蓋太湖還有向上事麼良久喝一喝下座

上堂終日怱怱那事無妨冬至日短夏至日長山門

頭合掌佛殿前燒香晝夜精勤恐緣錯將錯就錯且承當主人公太頗狂懊恨當年傅大士閑將文字誑心王

上堂不許夜行投明須到不是乾矢橛便是麻三斤
鎮州蘿蔔庭前柏子忍俊不禁連聲云還有殿裏底
馬大師搖手道未也未也這漢百尺竿頭坐起自稱
不與萬法爲侶敢保笑渠不著更進一步別有一人
在良久顧左右云如何是那一人喝一喝卓拄杖下
座

上堂單傳心印過犯彌天而今坐在老僧身上也著
尋個替手良久云有也作麼生得彼此無傷喝一喝
云自累猶可

上堂汝等諸人盡是祖師門下客他日用作麼生喝
一喝云家醜不可外揚

上堂踞虎頭收虎尾第一句下明宗旨祇如第二第
三句下明個甚麼乃呵呵大笑云有頭無尾終是不
貴有尾無頭雖飽無力是甚麼人語良久喝一喝云
明破則不堪

上堂繞四天下行脚底人有口堪喫飯擡脚不起底
人也有張口喫個甚麼良久云問取諸方僧問卽今

60123456789

80

答和尚師以棒拄其口云喫喫僧一喝師云黃連未
是苦

上堂盡乾坤是個解脫門把手曳不冇入不如歇去
好良久云靈利漢子捉敗老僧非甚難事有麼有麼
黠得頭下我且作死馬醫以拄杖打散

上堂蓦拈拄杖云拄杖有病絕見絕聞若不早救喪
却平生一僧纔出師和身打下云救不得也僧一喝
師云氣雖未斷壽命不長僧又喝師顧旁僧云拽出
門外著

上堂從緣有者始終而成壞非從緣得者歷劫而嘗
堅老僧一期借水獻花唯諸人善知時節不致兩相
辜負渴一喝云敗闕不止今日


上堂長慶有願不撒沙萬峰終日口吒吒宗門若不
施泥水後代如何得當家有不被人欺底出來對衆
道看良久云地獄老僧下與爾不相干

辭衆上堂心休不說法骨瘦上堂艱分明都說盡湖
水洗山巔喝一喝云大道絕言坐斷心路若能如是
不用露布下座

三峰藏和尚語錄卷第四 終

卷之三

卷之四



入云想歲生不與不耕不
休水變升吹雨供春山不變人共亦出來樵果
日暮更復還不歸小游梨谷日日伊伊宗門

陳留本傳李平生人善談

9 60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

武部